庫全書

子部

欽定四庫

子部

趙氏鐵網珊瑚卷九

詳校官中書臣孫 溶

編修臣程嘉誤獲勘 校對官學正日周 總校官進士臣 腾绿監生臣洪

朱 策 錠 鈴

容齊歸首捧賜墨年相若似乎稱謂太謙已不敢當樂 久已日年 · 新 方回記事謹呈宣召廣文内翰玄同尊契先生 溪諸名勝詞翰 名之售一旦相逢的之觞之不 趙氏鏡網珊瑚 然未知然石之非玉也令弟 趙琦美 編

字居竹記石本已領中間三十而仕一句别有證據録 舅聞說在松江府與仇山村胥會今想錦還亦附班數 |寫與令弟容齊即日暑氣漸隆新厦塩與末由尾燕雀 静先生守齊曹公盛德至善觀執事所述行狀老手無 去辨析一紙五條可以祛味者之惡唐氏康樂堂記 以復加矣俾效區區因獲託名不朽斯為至幸謹就誌 獨成惟劇写仰不備大德二年四月二十四日回呈 銘令館容善顔書人抄呈恐有未當發下再改居竹令

金与四人百十

回恐悚頓首呈宣召翰林大學玄同先生伏惟執事與 熟一笑回 集七冊附呈求教到仙郡後所作朋友刊行詩不精 書粗進以貧依回命以資之書樂静先生誌銘頗整 巧可以布一端助其夏衣僭越僭越回又禀 亦可用而名位未孚回飯客鄉人楊晉字昇之學顏 張西嚴用其名篆盖如何趙子昂北上金孫壁書楷 桐

欠已日日 白香

回年相若道同志合不宜太自謙屈以施於不肖棒雲

趙氏鏡劍珊瑚

書開誦如對在城間時蒙喻作蓮舟詩亦當入思此題 道坦頓首拜復復孺茂材賢友兄屬者過松江遂得叙 蓬萊五色海雲邊壽樂新堂戲絲前院宇捲簾通燕賀 とこり ラントラ 未用蒲輪到門外身心無事勝神仙 園林把酒聽驚遷貌如司馬温公像耕有歐陽頹水田 問殊慰渴忠之懷匆匆還館舍條又兼旬盛价来**辱** 紫陽方回頓首拜 寄賀玄同先生博士榮遷壽樂堂新居晚其生 趙氏鐵網珊瑚

俱平安石刻再可揭一二見寄否即辰廣厦風薰乳 待作帖乞之而自至豈不滋感今觀居竹君記人與竹 日長綸中羽扇徜徉琴書札翰之間仙去凡九萬里惟 窺古人之心今之世鮮有並駕者也惠貺玉粒五囊 詩尤句句字字穩妥鏗鏘回逈在下風矣想像古貌 有飲企不備右謹具申呈大德三年五月初一日 王勁定是書總每事不苟而待之以誠光和舊所寄呈 杂承所以稱謂者非回所敢當也佳楮精筆妙墨鍾道 回

がとう

奉復不謹惟亮之不具李道坦敬復 而忘之矣待少間當為搜索立志齊記意不特此人還 不易措筆兼日與諸小爾汝於此等清淨事漸致廢弛 金与正居在書 患九 外甥以其弟

明伯兄會問千萬致意 病未來王厨續當與之言矣今舅雲西居竹及竹深師 莊肅奉書提學先生野處親家侍史獻歲發春伏惟

慈侍吉慶起居禔福端累承多幸冰雪中先生不遠數

百里送閨秀令爱於散邑俾邑中人嘉先生高誼又嘉

欠足口草白生 莊肅奉書 未得消息春和尚惟萬萬以斯文自壽不備着生張端 自先生返程後宣子廿一日起程繼得信知廿六日入 附敬再四仲端尊舅入侍幸為道忱仲義先生渡江後 便欲附家書就孽楮伸謝喙萬一尊閫親家孺封荆拙 有禮有法且安於貧素家庭之教有自也因張彦翔行 覲天顏愉懌仍領職備員而已次兒完送兄未回令爱 端之子非凡子也端累承多幸弟媳貪舍乏欵為慊 1 趙氏統綱珊瑚 Z)

欠足口戶上言 客却也盛价行速草草奉此下遠時中萬萬珍重不宣 禮殺君雖不獲識茶次或能引名庶它日見兄免為生 為引王張本併與是正之益詩蒙恃爱妄加選擇兄作 篇章有暇續容和去求教壽詩已達之老雲諸賢承流 風同一目入會果育樂尊二先生幸道下忱令東屏立 大抵皆整麗可觀未易優多納還惟衡鑑去取正始遗 夢鶴故城陰靡蕪滿地不可寄何以報此瓊瑤吟其餘 一語之矣或就有屬筆致敬者惡詩數首錄去益 V 趙氏鐵網湖州

勝快快間未久又辱先施其為愧感當何如從論近 别貧不能以貨財為禮愚不敢贈人以言分袂之際豈 唇臨楮奉答與君相知最相憶春水東流春望深十 得無逕庭矣承寄懷一詩益見愛我不薄意雅不敢虛 稍有應酬日從事於詠歌亦一樂也下視終歲兀兀者 安好且得淇澳諸公以契家相處此尤為斯文之喜雖 應與頓首再拜復孺學士尊友兄文侍應與日與兄相 共坐燈火約兩地忽牽江海心日落瞻烏誰屋上月明 手

金少区是石雪

金分匹屋有書 桃花浪裹泊扁舟草草相逢恨莫留一自春風來折簡 此公方遭子夏之戚未遑答問知之 立夏日應廣頻首再拜 **幾番夜月獨登樓塵蹤偃蹇長懷舊蓬髯蕭疎又見秋** 弗即具答早秋有與偶成四韻以寓故人之感 遂返權既數日乃辱貽書僕以世故牽掣因循 併謝不敏時辛卯七月二十二日也亨貞再拜 南金先生暮春過溪上僅獲一再聚首詰朝即 兄所寄素養書已達之矣弟

如原春色正丰茸藍酒榆羹引與濃寒食庖厨烟竈冷 今日柴門又冬至野梅花下獨沈吟 三年不見轉關心春風級筆新詩少夜雨青燈舊夢深 為謝故人安好在身間不負遠公游 從之子移家去久矣溪居絕賞音萬事無情空過眼 附以達 **庾寅至日有懷南金兄當寫短句左便未寄併** 次寒食雅韻 永頓首復卷學士賢好

次足口下心野 一

趙氏統納珊瑚

盡心期禮義敦公侯始必復忍忘諫臣村至正己已春 盛青雲合崇高王露繁蜜房蜂祝子香壘熊生孫語該 樂樂春多笑語温齒 非論犬馬祭每課羔豚服任總麻 先生初車留太守幡一家天與貴百世海涵恩日有團 三月清明日謹書於冥鴻軒友生王逢頓首再拜 家始識其猶子即君復孺每相與論文説詩則 至正唐寅歲予自吳門來客於貞溪曹聘君之 **亹亹忘疲以為相見之晚是以交雖淺而情甚** 趙氏鐵網珊瑚

次足口事公与 一

數行烟柳自重重學知老大終無補髮白今朝不改容 宋世衣冠户唐朝德澤門變遷支派異貧賤典刑存 正好出郊開極目莫教和恨聽疎鐘 暮春一日雨花茸頓覺園林晴色濃幾箇沙鷗輕片片 踏青巷陌翠簾重隨風細草無端絲著雨疎花為改容 味道澄心方晏坐隔林孤起午時鐘 A Light W 奉題復孺屯田先生家世譜 清明再用韻

西 金グセカノニ 湖曾憶共仙舟勝景娱人輒滯留金殿壓雲嚴下 獳 道平居相與之歡非敢與前作較優为也幸與 手余因屬和二章一以紀湖山同游之樂次以 者可同語也日昨過予滾東寓舍出示其與友 令伯聘君同是正之勾吳申屠衡頓首再拜 深跡雖疎而心則親非若湖海雲萍泛然相遭 先生契兄必几 一錢南金唱和詩清新可喜使人歎誦不能

欠こり豆へいう 東之草堂 相逢每爱多新句近日知君費苦吟至正十一年歲在 披豁襟懷見古心拄笏看山雲閣靜挑燈聽雨竹牕 客裏欣然逢合志載歌伐木有遺音掃除埃塩尋 青烟隔岸水邊樓逋仙塚在梅花老岳相祠荒草樹 重光軍關建五月不盡廿日早作試沈君寶筆書於 日相期尋舊賞籃輿軋軋恣尋游 閏正月得復孺先生見教去冬寄懷之詩謹 趙氏銹網珊瑚

頗繁聚廣野富兵麻沃壤多複泰令子思例歸緣衣堂 俗草澤傲軒組行方恆與論所向無齟齬悵望然芝歌 內都兼權雜陳旅記知形役拘安逸乃天與白眼瞭 如坐春風胸次色海宇孳孳素履勤力學不遑處今譽 炎夏謁講席鶉火昏在午弗畏褷穢議願接荆州語果 欠已可見 公言 竹得佳所願兹安樂窩童稱習尊俎村市接海隅吾 治東州華藻擅南土久涉事物情即心慕巢許託言食 領復停行揮掃動龍蛇制作中宮羽别墅横溪濱水 Ţ 趙氏鐵納珊瑚 流

忽見新詩慰閱疎好懷憐爾獨思予無由横泖同垂 金牙四月在書 依舊匡山借讀書自惜交情嗟老矣即今世事轉紛 西图寂寞梅花路腸斷春風處士廬應庚 韻奉答 復卷先生 侍次 次前韻奉呈尚祈賜教臨川晚學生料堅肅 向者令嗣遠歸慕蘭之久深慰渴思故忘其固 陋報賦鄙言方自愧赧繼承尊作悚懼無地 釣 僭 如

岳寓高深微言煩品叙 早佩父師訓敢自踰規矩今幸親儀刑沾溉斯亦溥海 金分 以及 有量 遥聞新雨賦詩成異土相知得貴卿顏上民猶思漢德 舞蘭芽並雙秀箕裘纘遺緒堅亦忝末學静退居草 一自走紅塵道路且修阻苦為蔣官羈碌碌曷勝數 善上伯宣茂異賢契友 **遠承佳作見寄足佩不遺故舊之高誼且知頻** 上之樂不減吳中因次韻以答曲江居士錢惟 卷九

恨無健筆運長杠白頭外動今朝與金緩歌傳舊日腔 風輪綫轉秋生座雲錦初張春滿缸賴有遠山橫短幅 箕陰人笑避竟名虎牢西峙劒雙壁鰲極東浮杯四瀛 何夕連牀一尊酒共談詩品與詩評 伯宣過澄懷楼相訪且錄昨會伯寅雙槐清集 耳鄉末惟善上 之作以示因次韻見老懷之拳拳於伯寅者若 此并簡吾友循正提學諸佳子弟同千里一笑

欠近日上上十二日

趙氏銀網珊瑚

清尊共醉夏侯居此行未許輕分被他日無令數寄書 子從賴上歸南日袖有新詩錦不如故里猶存召伯樹 於澄懷樓上曲江老人錢惟善上 -晚金雞下丹記豈容老顯伏鹽車 詩送伯宣茂材還顏上曲江老人錢惟善 和上倡酬之作六月廿六日曲江老人錢惟善 次韻伯宣茂材同集於伯寅文學雙槐堂松雨

日聞松雨伯宣與伯寅過雲錦不得如願因賦

次ピロ東台島

趙氏鏡網珊瑚

竹聽新雨采着求故簪人生聊復爾何必問升沈 留別有詩重有酒醉來剪燭話西總 之子有行役殷勤别我吟夢歸凇水遠愁入頳川深移 金写也是有量 聲漁唱起何處最堪聽我住水晶域子游雲錦亭 煩惠遠荷錦笑劉伶明日嚴灘下維舟訪客星 聞伯寅欲邀予過雲錦小酌不果 佳子弟一笑 次韻伯宣茂材留別之作并録寄循正提學諸

城動秋風急暮笳總是移居來頹水也勝遷客去長沙 莫學青門舊種瓜幸沾新化到天涯野陰春雨肥桑柘 巢由忘世非吾事霸業惟懷仲父家 此回莫戀西湖好應夢庭開亟賦歸 弟殁軍前淚滿衣感慨又成千里别笑談已是十年達 到顧曽蒙遠寄詩爛然秋月共揚輝親安堂上書連榻 事無算弟恨賤跡僕僕又理北游之裝莫能久 宣近獲曲江翁聚首者連日論詩接席聯床樂

舊因聯楊投閒偶益簪看雲定相憶一札肯浮沈丙辰 交託忘年好詩煩餞别吟老來才益瞻道在世趙欽話 故園老樹碧成帷次第秋香發舊枝待得花開先折去 六月晦日在雙槐南軒寫 疎 併致留别之語云宣 陪言笑為深悵然耳瀕行漫爾五言一首為謝 之章乃廣再歌庸復盛意亨貞頓首 雨滿庭似報嚴花之訊清風入座忽來玉樹

欠己り早台

Ī

趙氏鐵網珊瑚

欠己日年八十五 晉代經今屢改元雲間二陸尚諸孫承平不改丘園隐 闕 為庶仍推德澤門祖硯傳家終遺遠農書成帙更隻繁 兵後吳山春尚好鸎花應滿舊家園 黃金誰復購長門雨深燈火杯頻舉夢入池塘草 初度當元夕擬祝春龄問 日唇所惠書即訪便答謝而連雨弗果非敢 應與頓首再拜復孺學士兄長文席應庚初 追次前韻遙致翔翁親長彌髙之頌亨貞端拜 趙氏鐵網珊瑚 圂 土

金牙口尼白電 青袍朝士識貞元時論前修教子孫綠筆自堪修五鳳 煩君題作墨參差 廣寒宫裹錦游帷招隠山中棘樹枝自是天香猶拍塞 不堪人事日參差 再拜 曲 和是以賞音見許也其能無言以復盛意即倚 韻信筆斐然成章惟諸大方家印可是望亨貞 江先生録示元夕所壽伯翔翁之作且徵都

問歸期 風雨外有客澹忘歸正目渺霧情愁予又吳潮吹上 罷此意誰知滿眼孤村流水腸斷去年時過端陽日重 金写正石石量 蘭難寄還渺汀蒲烟思共依依甚簷花聽斷縣章歌 能錦還又圖晤盡茲草草不宣 來教所謂光味彼此同也饅爾倚歌奉報不過 抒其鬱鬱附有近作一二首同上一笑夏至必 耳甘州之寄尤見不鄙此時方塊坐南牖三復 同是天涯羇旅歎湘靈鼓瑟笑我全非 卷九 儿

欠己日戸八方 連日 暗白 影荷益擎萬柄明粧靚浪破魚吹鏡翠禽並舞梅風乍 起 緋 枝詞西總夜待剪燈深坐却話相思 /桃笙微带新潤滿湘舊夢喚我綠蓑歸與凭遍閱 榴開滿露井竹映琅玕瑩幔卷方池雨微微落飛簷 人關 雨陰天氣凉大喜午日散晴陽弱雲紛披薄崑官 次韻雲西午日酒邊作 水槛對雨 夕陽移下清景 Ų 趙氏鐵網珊瑚 占

久已日草 AB 國 心曾煩手削門外見仙槎須停泊老來歲月無何乞與 蔥帳荒寒怨秋鶴歲暮且歸來情如昨 儒冠不解明韜略底處是生涯雲門約無端寄跡兵戈 **歳寒期未必天工無意** 僕 識會合之意情文悃款溢於言表惠至渥也鄉 老師叙勞兵後間懷既又調奉草碧詞見遺以 依若韻庸寫下忱為先施之期謝云 一節從軍吳秀間近始謁告還家首辱素翁 趙氏錄網珊瑚 故人殺度傳

往事俄驚如夢白頭追感前時半生辛苦為吟詩詞筆 金少四四石百重 新水汎溢映瀟湘山中草頭充樂襄江上酒思爱茶香 回首天涯一懷古楚人何用我哀傷 曲折備盡三復降歎僭爾步韻以謝尚真改正 友弟錢應庚再拜 之情誼藹然數語之間而三十餘年交情世故 復孺先生用仲參幕赞西江月韻作詞見教讀 世變俱成老大年來更覺衰運通家欲結

首九拜 金万口及石電 歳寒歸計曾商略富貴與神仙辜前約儒冠已負平 刀主九選樂三島景長春尋真樂眷晚生部亨貞頓 過半矣暮景相從之樂世故牽掣迫今未遂兵 南金契兄始託交時與僕俱未弱冠谷乃百年 後期之可擬不能已於言也敬借前韻述懷如 後避地溪濱復得旦暮握手慨前跡之易陳預 左契弟卻亨貞再拜 卷九

爭得身輕跨寥鶴空憶舊歡游成今昨 亂離避世無方略何處可尋幽湏期約桃源只在人間 昌陽引年藥山水有清音同行樂 柔兆沼灘子月十 日書於小溪吟屋 不羡揚州去騎鶴遊髮老風霜心如昨 才風斤慣削相見問行藏重評泊無情最是桑榆那得 茫然再麝春草之詞以索寒梅之笑 亂後乍見故人情文浹甚老來共談往事心緒 自憐兵後多 惟應郢上髙

次足口事之等

趙氏鐵網珊瑚

大

忠言似良樂攜手問何時承平樂子月長至前書於 次已四年全 詩多君却削隨分一枝安甘依泊書囊再親雄文惟幄 故人胸次藏三畧鷗鷺小溪邊重尋約千門兵火蕭條 回首華亭有歸鶴城郭是耶非傷前昨 重來看關樂白首友於情同憂樂 應庚又拜 言他日時平出此楮觀之當不忘此時之下內 再韻以謝復孺友兄長亂後叙舊不覺重形於 趙氏鏡劍珊瑚 相逢設說新

應訝山翁瘦如鶴問訊舊玄都今非 忘形縱狂藥白首待時清應 無樂子月既望壬辰友 愁吟肩顿削老病有孤舟難安泊殘年但願相依爾汝 稀青山似削天地一 折衝尊俎談兵略還記五湖船烟波約東鄰有容歸來 弟亨貞書於小溪吟屋實南至前之五日也 復孺先生自軍中回予伯氏闕 之喜因次韻幸覽之友弟錢應廣再拜 蘧廬從栖泊西園長記前游非與 昨 當年錦里依 以識會合

還見春回鄉井花明柳暝念賈篋香空謝池詩冷流水 金グロルノン 碧雲深凝遥天暮經年雁書沈影雨散梅魂風醒草夢 貞溪一 陽信家即是舊風景 枝安所 留舍親書或可達左右欲翁見賤子堪恪之情 金獲親所寄臺城路佳詞愈重其瞻企因用韻 耳東郭姻末錢抱素稍首拜呈 久不見復翁已劇懷想近到情水北山訪南 懷思横泖雅趣故人吟嘯

たのうる 新與老獨旅那更落花深紅如雨至正乙未春仲十 客胞別理清商譜彈到斷腸聲傷今古自憐素髮無多 明誰家院宇沒箇好懷情杯慵舉天涯行李蕭蕭還是 猶記紋疏夜深語空刺舊時烟迷南浦 逈縱老與猶濃不堪馳騁隔斷相思浦潮波萬頃 得意酬領譜綴臺城緘傳倩水肯把俊游重省憑高倚 日 春草碧小詞併求斤正 114.0 趙氏銭網珊瑚 梨花燕子清

行未已也益能薄聲利外形骸以文章道術相周旋未 之陳文學近古所謂博大真人哉文學供奉時落魄不 羁以詩酒自汙殁久始贈真人號朝學士大夫述德表 開府神德君以神道設教三數百輩往而有聞者惟閩 卿氏玄卿早侍神徳君入有蓬萊道山之游從出有茂 始出吾宗而已文學去世踰四十載彷彿其人得薛玄 未清明后二日書於武塘寓舍 瓊林薛真人誄文

大日日年上町 一個

趙氏鐵網珊瑚

迎記那日歸舟此懷猶賜其倚危樓亂紅愁萬頃 乙 獨自禁領南浦歌長西堂夢遠往事不堪追省滄浪望 無情好春不減舊芳景 還聽蛙聲鳴井沈吟坐眼正綺席杯空蕙爐烟冷老去 金牙四月子書 庭芳草問春畫疎疎弄篇花影鼓子風喧苔痕雨 草草次韻以紀一時情景久不奉謝殊負吾故 寒食後雨軒獨坐因讀復孺先生臺城路佳詞 也併真恕宥錢應庚拜 天涯誰念倦被閉門風 雨意 濕

睹其兆是為玄卿誄不凡哉至正乙酉慕春之初句曲 無用之用諸葛雖死尚能動玄卿其有不亡者在今已 以測而識之哉を柳已矣論者獨以繼文學公異時或 詩酒淋漓白眼青天傲晚一世則未易以優劣論人當 松清泉之怡悦视文學公差若有檢東至於翰墨跌宕 在逸品上矣今大宗師吳公以耆德重於朝凡執事者 外史造首為章心遠書一通予將屢書之以識四海之 一一十十皆真人聲光赫奕非下士所敢仰而望且何

金灰电压人

たろうえへい 杭人張伯雨所為之誄三讀其文而悲之若玄卿者方 際遇往獨存者玄卿耳雨為無用重識 此予之狂言心遠乃棄於無用之所一展對問既重故 佑聖觀子幸一來豈料玄卿遽殁於山中也鄭無用出 以精行業日以高且謂予日今關 左即向留具為斯文契誼數相從已而還山中詩文日 人之思而一載之内雲崎陳君以卑位往彦輔張君以 公論如此非張雨私之而獨阿之也 V 趙氏銭網珊瑚 **聖書** 閥 往杭之

官至銀青光禄大夫奉化軍開國侯父恕軒先生某母 大母之心既葬則哭於他室夫人開釋之終莫能止每 姑為學不可廢也君有父喪慟哭過哀人不忍聞懼傷 時上有大母夫人復從容曰妾當親為治具以養曾祖 之日宜自讀書不順爾也對日奉親餘暇方是讀書之 足疾不良於行扶掖起居供饋飲食必身先之父或謂 異之年十九歸同里薛君果思永其字也君之父晚有 薛氏生至元二十七年八月時見北斗光燭於庭父母

大王日本公前 一

趙氏鎖網珊瑚

金云四母全書 溪縣同耕原其友臨川危素方在史館屬其外兄桂孟 至正十年夏玄儒薛毅夫葬其太夫人倪氏於信之貴 且於古之博大真人游於太微之上夫豈言語文字所 諱端真姓倪氏其先在南唐時有信州雄石鎮鎮遏使 書其世出言行欲來求銘居亡 何汝頹盜起道路隔絕 能赞美也哉鄭元祐識 紀始克航海至京師以請於素不敢解也案夫人 有元故薛君思水配倪夫人墓銘 卷九

金分四匹百言 能鄉學使汝父及見之喜當何如輔嗚咽流涕曾祖姑 矣哭幾至絕由是堅苦自持蠶桑紡績得繪布奉曾祖 唯日夜望汝成人以與吾家他日得從爾父於地下足 他日撫二子曰汝大父當窘於徭役亦不知處至於貧 · 远無以為葬夫人乃盡出嫁時衣服簪珥以為棺槨 見大母則歡然改容服除竟以憂遘疾卒曾祖姑方涕 姑餘以資教子之費子既長則又訓之曰人多言汝勤 喪伯祖姑議均財治具夫人請曰所積緇蘇豫備之矣

とこうるへから 之孝爾即之貞鬱鬱松相原曰同耕為善之徵被厥雲 教而明維薛監倪世有籍纓婉婉令容訓戒是承爾行 仕南唐為可徒乃從貴溪之漸步里五傳至宋朝奉即 男二毅夫其長也次餘祥先卒孫男一人薛氏之先亦 縣丞玠君其曾孫也兩家俱著族云銘曰女婦之德由 尚書為部員外即上護軍昌弼又六傳至修職即金溪 人尤以為難能歲時祭祀必躬視俎豆無違於禮至正 八年十月戊辰得疾越五日戊申殁得年五十有九子 Ų 趙氏錄網珊瑚

欠三可臣 三 太史氏襄陽張者為之銘銘曰禹陵之洞陽明虚中悶 告以故太史為書經俾之歸遗母母得之喜回比夜夢 世百文弗渝後有道者其徵且 慎勿忘暨毅夫大母喪乃上會精指馬穴藏經已而 宿經史椁書玄點攝提月在如看也作銘古作模歷厥 玉匱過甲圖孰敢窺之神所祖有孝子毅精誠乎斗七 汝執經我側今致此非偶然也吾百年後可藏諸名山 已卓偉訓殺夫詩禮為名士毅夫一日過清江謁太史 . 趙氏鐵網珊瑚 亖 屬

金河巴居石雪 詳定使司事臨川危素誤中奉大夫同知太常禮儀院 極度日誦其經年十九歸薛祖氏紀早卒時甫三十孀 北斗道經一卷故太史清江范椁所書貴溪薛毅夫奉 事都陽周伯琦書 而藏諸禹穴承母命也母倪姓諱端真世大族生於至 元之與寅生之夕父母睹北斗光燭於庭故長而事斗 通奉大夫參知政事同知經筵事提調四方獻言 纖經銘 有序

蓼我報德自難忘浮海飄然 何慚蛇蚓助餘光 **陜郊古句人爭誦義訓猶知教** 請予嘉其篤孝即書以貽之仍次韻為答時至正奏 張君所作藏經銘求予古篆恐難其書賦三絕句以 政危君既得之復來吳謁予求簽題并以翰林承旨 鶴齊隐居浮海至京師為其母夫人請銘於中書參 卯季春上吉 也老友都陽周伯琦上 一華航萬里得銘如見母 經慈範堂堂傅百世

金写口压有電

方外交關 處西湖之上居多志同道合之朋歌白石之章遂有室 共望江東日暮雲吳門六載對殘春論文何日同尊酒 但恐詩成泣鬼神是日書於寓館之交翠亭 故應玉樹長階庭 交同詞勸闕 兹審石室書記瑛公住持昌國州隆教禅寺凡我與 瑛公住持隆教寺疏

欠こりる こち

趙氏鐵網珊瑚


畜

欠己日戶八子百 西秦張楧 句曲道士張嗣顯 燕山貫雲石 紫霞道士馬臻 婺胡長孺 北村老人湯炳龍 玄覽道人王壽衍 薌林居士庶希貢 趙氏鐵網珊瑚 楚冀璛 吳張淵 山村逸民仇遠 浦城張懋卿 巴西 鄧文原 長沙馮子振 吳與趙孟 順 苤

金月四月全書 通人遠之歎第恐大瀛之小刹難淹名世之俊流石室 潛子書記之燈鈯斧既已承當辦香須要著落望洋向 若不難浮尊者之杯推波助瀾所當鼓烝徒之楫即 味禪捧喝雷霆顯揚聖諦第一義掃石門文字之業傅 長老禪師學識古今心忘物我江湖風雨飽飫諸方五 **闊步少慰交情開法筵演海潮音神龍拱聽向帝闕** -封壽象教常隆至治元年十二月日疏松雪道人

金万里屋有量 響因寫舊作不能不與感云耳今年至正二十年 士俞君復初伯雨爱友也寫所和詩以遗復初復初 伯雨父見而愛之亦當倚韻以屬和昆山清真觀道 子歲之冬也遂昌鄭元祐明德父 向嘗次韻信都趙君季文父游仙詞亡友虎林張君 之什併藏之江空歲晚朋友問能詩如伯雨寥寥絕 今年冬款予於吳郡之城南乞予寫昔所和合張君 游仙詞卷

火こつ 見こうう 就中誰是避秦人 煌煌珠樹四時春樹影玲瓏月滿身理罷玉笙朝斗去 鳳麟洲上水烟分女伴同祠李少君點定易遷宫裹籍 諺藹身中三素雲朝暉出海共氤氲桃霞沐雨輕勺面 都在鸞笙一曲中 柳浪含漪細織裙 金碧樓臺瀛海東娉婷仙子下瑶空聖凡千古無窮 /虚攜手踏紅雲 4 越氏鐵網珊瑚 莱



窈窕溪真十二仙靈犀分水夜長然珠宫每按皇人筆 齊髻駢雲誰最高花間行數舊裁桃笙洲月出星官近 點較青瑶第幾篇 金盤那得聚如瓜 雲旗何母降珠庭母為雙成欲授經塵世登真無要訣 才炊松屑飯胡麻又見蟠桃一度花不為靈姝工服食 蔡囊辛苦貯参答 卷儿

自向 **厭見霓裳舞廣庭罷看三十九章經道人腰著金雅對** 情知不染散花人 蘇離石上尋長迹金栗圖中見小身抖搜幾重衣被看 元是昆侖小朶雲 鴻寶枕函雲積叠芝臺爐火暖氤氲子能試喫青精飯 金牙四月全書 夜久扶桑海色分珠宫望拜赤龍君洞庭未省君山在 我亦聊書白練裙 松根洗茯苓 悉儿

とこう ラーシテラ 嫻 脚底琴生三尺鯉袖中阿母一 耶作深山服食仙伐毛洗髓固依然木蘭墜露研朱寫 肯信東門五色瓜 只寫南華秋水篇 月如銀曬夜濤 知草創大丹成 小薄蓬瀛日月雙飛下始清玉几明總塵彷 趙氏鏡鯛珊瑚 雙桃別時勞動凌波報 둦

左股清池足温麻池中肥水是松花早知魏帝

授以松根千歲苓 とこうドハシラ 麟州宫殿五雲高夜赴瑶池宴碧桃借得仙人紅尾鳳 白雲猶設古苔篇 鬱蕭臺上會草仙龍燭飛光晚夜然玉殿歸來環珮冷 溪水流香飯熟麻洞中千樹玉桃花金盤日日飛仙供 白鶴下啄瑶草庭道士夜讀神農經問之長生有實訣 月中飛影拂波濤 勅赐安期海上瓜 <u>.</u> 赶氏铁纲珊瑚 Ź

多好四母全書 到頭應愧學仙人 老龍吹笛浪花中 **想斧如何只看棋丙戌四月廿日靈石山登善精舍寫** 王格金科自有期赤城何待遠尋師壁梭也應為龍去 金栗天高碧殿雲鏡中空影夜氤氲白鸞樹下三千女 銀清萬里海雲東只泛靈槎上碧空仙女踏歌星影裏 令威化鶴已千春華表歸來是後身城郭悲歌荒塚在 色龍綃玉雪裙 卷九

赋 言乎昔揚雄作太玄曰後世有揚子雲必好之蓋謂作 多分四月在書 者非難知者為難也復初舊有能詩聲子故喜之遂為 松陰自了著殘棋游仙詩遂昌其最優乎貞居仙去不 長生誰解問住期黃石空為孺子師何似山中間日 鈞天按樂在蓬瀛手把芙蓉朝太清 可復得清真俞君復初請予和之以繼二妙之後其知 仙家只数董雙成 此但不可與不知者言耳太原郭異識 赵九 THE RESERVE AND ADDRESS OF THE PARTY OF THE 山霓裳羽衣舞 月

欠記りを公前 來貞居已矣予方泊化宫超然有退隱志且辟 季文趙君倡句於卷上誦之使人毛骨條與予 辛且夏六月初吉益易道人陸大本頓首他中 也敢不援筆續貂超然之士能無賞音時至正 雖不敏思貞居昔日之好而明德又吾老文伯 所繼明德鄭先生游仙詞十首明德復書舊和 穀有驗偶過玉奉清真觀道士俞君出示貞居 予切侍貞居張君清節吟詩寫字皆從漸摩中 趙氏鐵網珊瑚

歳歲松根珀化苓 斷紋時續紫烟篇 搔痒仙姑本姓麻羅家萼綠女中花阿環空向劉郎拜 洲麟鳳引瓊仙喙角連金晓夜然月底素琴調玉柱 似孫鍾學種瓜

元命真人

、謁紫庭三晨授我益珠經不知世上長生藥

火色の巨います

Ų

趙氏鐵網珊瑚

圭

六鼇海上駕雲濤

雲總霧閣遇情高三度能偷幾箇桃欲把珊瑚都釣起

昆命之 空向晴牕檢白雲 秋水為神氣吐雲蘭田種出玉氤氳湘妃為我紉蘭 每憶貞居語夜分深期仙迹寄茅君詩篇今落江湖手 雅稱青霞襞積裙 何處靈光恰正中 金为四座石膏 回首清標惱殺人 **玄圃蒼洲日日春含胎鍊骨漸身輕良宵會宴飛瑞室** /墟渤海東下見一壑涵虚空夜深印出千江 月

金与正是有量 縹緲仙山五色雲王真飛佩度氤氲不應名字題仙籍 翠鸞飛景月明中 橘中只看二翁棋 蓬島方壺萬里瀛神仙骨格自然清翻然直到三清境 長生小訣問安期大道須尋向上師 猶著唐家舊賜裙 霞光閃閃五雲東樓觀巍巍照碧空忽報夜池催賜宴 辟穀元來是小成 卷九 粒黍珠靈質氣

滿頭垂白采参苓 塵寒擾擾事如麻恨我東風易落花阿母蟠桃才 松飄金粉落空庭石上清齋玩易經應笑世人工服食 知是仙班第一 洞草嚴花處處春壺中日月鏡中身應輪飛度麟洲水 只作襄王夢裏雲 問幾度摘秋瓜 會仙凡兩地分雙雙條脱賜羊君如何窈窕巫山女

火己四年公野

趙氏鐵網珊瑚

圭

城閥芙蓉晚未分身騎金虎謁元君青童不道天家近 去謁仙家十八人 競染香雲製舞裙 虎豹耿耿守帝閣銀灣水氣曉氤氲石榴花下霓裳隊 鸞書趣然五城東下視星辰在半空行過瑶臺重回首 とこつうという 三十六宫宫内春回頭却憶夢中身帶将一箇城南樹 笑指空中五色雲 王清更在有無中 家一作班 趙氏鐵網珊瑚

紅塵如海漲波濤 青童小隊鼓琅璈仙子酣歌詠碧桃下視人竅才泊泊 紫霞新寫寄來篇 金月巴尼有書 青鳥街書降玉京芙蓉金掌露華清深宮無限情緣在 琦楼十二亞相連樓上仙妹笑粲然青鳥忽煩將遠意 漢武求仙或可期仙人誰可帝王師山河百二功成在 不是神仙不易成 不似松林一局棋至正庚子十二月望碛里釋淨圭書 卷九

春宴瑶池日景高鳥紗中上插仙桃長桑樹爛金鷄 長鏡何必斷松苓 多好四個全書 溪頭流水飯胡麻曾折墒林第一 飄飄天樂下珠庭又從麻姑降蔡經麟脯鳳脂皆可嚼 來問東華古王篇 不到聯洲五百年歸來風日尚依然稱龍化作雪衣女 壺天地小於瓜 笑黄塵變海濤 錢一作生 卷九 花欲識道人藏密處

欠三日日二十日 國 鷄死座客有遠林三叶以為老鐵帳中語也又如一壺 始悟三生石上棋此予方外生俞善追和張外史小 游仙詩一十解持稿來予小能加點讀至長桑樹爛金 卯春王正月上日鐵龍道人在玉山高處試奎章賜 天地小於瓜雖老鐵無以著筆矣故樂為之書至正癸 天府官曹夙有期金盤王栗賜漁師一彈指頃天闕近 一曲玄雲鼓未成 高駕殿車過大瀛神官報道褚三清新裁舊管銀簧澀 趙氏鐵網珊瑚 盖

瑶池阿母宴璚仙玉齒微微笑冁然應笑有人思獻納 瑶簡璚文似白麻案頭手集雨來花中間盛說仙官去 自傍雲根劉茯苓 風落長松子滿庭胎仙飛下護丹經世人來問三天事 文君莫怨白頭 人間代及瓜

碧落風清鶴背髙髩花飛下武陵桃湘江亭上山如

退朝空檢白雲篇

欠已口戶心

Q

趙氏鐵網珊瑚

Ī

書 今週陽臺不見雲 湖統黃陵夜色分娟娟孤月照湘君夢中只說經行地 顛倒乾坤子夜中 曾訪雲英弱水東玄霜石臼滿如空只今身外都無物 九還丹就氣長春身外方知別有身裁涉凡塵便多欲 却染石榴為絳裙 碧桃花似白雲望中仙氣日氤氲雙成未脱烟霞習

金分四四百百

お九

樓船何負始皇期黃石曾為漢相師世有嬴劉莫相託 商嚴山下好圍棋 想見仙王夜聴濤 金为口口人自言 東風吹夢不曾醒 翼生毛 羽袋 時成 麻姑飛佩入方瀛三見蓬萊淺更清漢武不曾離五 西皇春宴百娉婷玉碧桃花滿洞高自飲 洞草嚴花夕露微笑蹋青鸞作龍馬

諸游仙笞鸞鳳相下上碧寥間也因記憶早歲侍先君 雙成今是五雲仙得奏長書玉帝前天上星河春似海 長門又屬漢相如 及郭義仲陸德中所和游仙詞誦再過神氣超然殆與 留清真觀主者俞復初出示句曲張外史遂昌鄭先生 雲幢烟節紫霞裾齊馭冷風集步虛若愛人間塵一 九天凉動五鉢衣 人間風雨夜如年至正壬寅春三月五日過崑山雨 點

欠已日軍公島

趙氏鐵網珊瑚

欠にり見いま 於八景兮觀天皇之琦顏凌紫氛之浩浩越金景之爛 龍威鳳儼前後兮靈卉異石紫列乎其門子乃且游且 爛於戲噫此王京之所以為神仙之居而形槩之勝又 詠再盤再桓會牛女於銀潢分招仙娥於廣寒升霞步 天門之追遥若乃予游目以的睞兮縣玉京之龍蟠獰 駕八鸞之鏘鏘兮驂九鳳之飄飄凌太竅之虛柔兮班 友兮拉喬晉之知交鳴赤王之翠管兮吹鸞翼之叢簫 兮恣九天之游遨予於是挈仙奈攜松醪挾偓佺之佳 趙氏鐵劍珊瑚

年矣人事變遷城池墟芥雖欲如曩昔麝歌之樂不可 庫使在信州時嘗和郡經歷張率性游仙詞四首今廿 夜景兮幽寥蓮漏兮迢迢 仰桂魄之 嬋娟兮覽榆星之 則出塵之句有足發予之清與是亦 得矧敢覬游仙樂之萬一者然句曲 昭屬髮楓以風生兮露花灑其橘褐縱神與之飛馳 韻就書舊作於后其來者同賞鑒云席帽山人王逢 游仙赋 仙去矣而其詞存 一樂也復初因徴

鱼为巴尼白

載招摇之雲旗環華采之翠幡毯栖鶴之霜翎挽毒龍 心之所以經綸也今子違人家想高天驅豐隆御飛魚 不言而治猶仙道之無為而成而天之所以點運猶 獨不聞乎天何言哉四時行馬之載於石經者乎又豈 之蒼髯縱逸與之遇飛兮極良夜之游瞻是則吾友之 彼偓佺喬晉一笑而相語曰諳三教以一貫之者君也 不聞高明配天悠久無疆之載於中庸者乎且天體之 不可得而遍觀也方其上琦樓著雄文傾沆瀣開霞尊

金牙四周分言

欠こりにから 月既望霅川錢狐雲製 迴殘月在樹鞭雲鳳以來歸而作游仙之賦歲甲辰十 留兮實上德之不德又歌曰嗟大道之無私兮得其真 碧括摩下而無言兮固真幾之嘿嘿凡纖滓不可得而 然啓既然而為之歌曰緊渾天夫悠悠兮渺萬項之 致幸而有天道之不參耶子於是聞斯言也頗然悟廓 而故長人能同此真道兮寄悠久於無疆歌罷星翻漢 方寸鐵錢達策 趙氏鐵網珊瑚

欠已日年公告 榜相甲進士今奉訓大夫江西等處儒學提舉會稽楊 矣吁豈直求工於刻畫無戾夫古制也哉今一妄男子 **珪方寸鐵印斯可以蒙金斗而壽榮名矣珪或為今將** 愧於汝鐵否則徒以苟富貴不至腐尸滅名不已使得 十萬如金翅鴞逐百鳥無一敢後者金斗之權重矣哉 釋為起問卷取封侯印如斗大印咫尺書驅使帶申百 軍刻符印其亦以是告之至正十九年七月八日李黼 吾不知果能為天子剪狂鬼佐中興為生人開太平無 趙氏鉞網珊瑚

銀犀泉使佩之者皆無愧於是鐵外史氏心印之教行 黄金白玉可磨此鐵不可磨也予以是鐵印諸金王銅 吾之乖乎雖然古之豪傑修已治人者必自方寸鐵始 吳門朱珪氏師濮陽吳曆大小篆習既久盡悟石鼓嶧 金月四月八月 碑之法因喜為人刻印遇茅山張外史外史錫之名方 方寸鐵者余笑曰余方鐵石心取乖於世而子又欲乖 鐵持以過錢塘訪予於吳山次舍求一言白其所謂 方寸鐵志

金少世居自電 維禎志并書 方寸鐵銘

婁東朱珪字伯盛工古 篆籀文其於六書之義考之尤 乎道亦若桑國僑志於鐵硯之鐵云雖 然科斗書廢已 張外史名之曰方寸鐵鐵以衛其能堅其志操期以進 詳當以餘力刻印章則為吳中絕藝問游錢磨遇句曲

袋朱君乎朱君與予相 游從嘉其志操之日堅今年子

久必以篆籀為師法漢隷而下不在論能復其古其庶

欠己 日草 白馬 政日惡曰逮今邀寥寥事刻畫昆吾刀鍾門隳石鼓 越夏商歷周秦科斗廢策籀臻漢而晉書變作唐風媮 尚結絕民弗犯俗魔淳史養頡肇有制譬孳乳乃曰字 來玉山中驗朱君之書法益有進是猶張旭悟公孫大 而為之銘銘曰聖人作人文開龍馬出樂圖來神農氏 吾知朱君得於書而悟外史方寸鐵之古矣遂述其事 庖丁解牛而得肯綮也張旭得於劍舞庖丁得於解牛 娘之舞劍器也見其刻玉石如切泥則又若漆園氏跨 Ų 趙氏鐵網珊瑚 里

らこりることう 咸陽鬼哭無人打故人吳廢業篆隸好古乃有如珪者 袖裏昆吾一寸鐵江南碑碣萬家文玉符金印雲臺將 老我八分方漫寫詩成亦足張吾軍至正辛丑八月朔 妙刻金栗道人章尤精白描桃花馬金印徒聞大如斗 昆刀切玉鳳窺雲它年金馬須承詔此日雕蟲試策勲 大篆煩君為勒勲雲間陸居仁 平湖草堂寫隴右都經上 十年兵與徧天下名山大澤罹野火野火燒盡秦漢碑 趙氏鐵網珊瑚

一緊方寸鐵娘昆吾刀游刃發硎妙契縱操六書與音探 朱君手持方寸鐵橅印能工漢篆文并剪分江龍噴月 **賾捐勞史籀泰斯作則孔昭翔鸞翥鳳騰龍騫蛟為印** 金少口五人言言 佻庚子八月十六日淮海秦約 為章珪壁麗齊文苑藝林世賴崇褒我頌匪私永言弗 心太古婁朱珪至正庚子夏四月廿六日河南陸仁造 方寸鐵詩 方寸鐵頌

金与四届台書 睛總握管儼若思學成變法出愈奇鐵耕代筆如神錐 長高價武夷山熊者錢惟善題於海嘯軒 用之切玉如切泥孤忠不愧月食時清便更城梅花詞 彼柔統指惟詭隨朱盛剛勁真吳兒法書鐵畫逼秦斯 零落當時建章瓦君不見黃山仙鶴伏靈芝北海文章 元祐黨碑我所非驢鳴犬吠我所性雕蟲小技同兒嬉 人心何危患多岐方寸之鐵貴自持百鍊取取明秋暉 方寸鐵歌贈伯盛朱應君

火三日日上日書 日 試問高人安稳無 白玉蟠螭小篆文 獨行應如魯獨居心同柳下孰云迁從教隣女夜沾濕 静寄軒中無垢氛硯苔滋墨氣如雲匣藏數鈕秦朝印 中與定勒磨崖碑大書深刻非子誰至正十二年歲次 **庚子夏六月初吉天台氏學者元鼎書於白蓮桂子軒** 屠龍妙割嗟奚為盛乎盛乎知不知北南車書復復來 静寄軒詩三首 趙氏鐵網珊瑚 里

書石之顔無幾何日又以志大請於予予因有所感也 半予雖老吊古之心尚思見時平案山經勘水志登岷 林中有地峽外無天此唐詩人語今全蜀形勝越在 影散虧如輕練厓根怪石如犬牙石罅溅波如馬駛余 懸崖飛洒瀑布稱為竒觀予生未入蜀徒於志籍慕其 欠己口戶在馬 外梯航隔截峽之所開者四千餘里雲濤盪激人虎 因命之曰巫峽雲濤甚既受命遂謁海内名人作籀文 形勝之奇且吳江謝某氏出石屏一 T. 趙氏錶調珊瑚 具文有峯十二雲 里

沿沂阻絕舟人朝發白帝暮抵江陵歷一千二百里雖 曰巫曰歸夜七百里兩岸沓嶂連崖隐天日至夏水 按獎州水經巫峽乃杜宇所鑿以通江水峽有三日西 身似梅花樹下僧茶烟輕颺髩鬅鬙神清又似孤山鹤 金月四月月 瘦骨伶仃絕爱憎雲林子 **冉馬不踰其疾也春冬時素湍綠濤添暉倒景絕獻** 謝氏石屏 巫峽雲濤石屏志 卷九

金少巴人有量 |雪練横空箭波崩岫女媧不補蒼冥漏何年鑿破白雲 峨訪所謂巫山十二浮薄青雲杪者直造陽雲願尋宋 仙滟濱辭某者亦能從予否果爾歸視屏文不在峽矣 王所賦之像回舟泊瞿塘口觀像馬草曬酒江流歌坡 小蓬臺試郭玘墨書 至正乙己春三月十日會稽犯遗老人楊維禎在雲問 河倒瀉驚雷吼 踏沙行賦巫峽雲濤 7 羅帶公 表 分香瓊纖擎酒銷魂桃葉

欠己可多人 煙外科陽雲中遠岫翠眉輕補照脂漏見南朝迴波都 器 石理庚庚有至文江濤鼓浪忽蒸雲鬼神不露雕鏤巧 懷遠寄溢江口世間木石本無情如何也似離人瘦七 烟江口當時樓上倚闌人如今恰似青山瘦吳與王 那得陰陽一線 分遂昌鄭元祐 月之望晚起試筆用前韻同賦蘇大年 一斷腸聲斷腸更聽哀猿吼 趙氏鎖網珊瑚 暮雨凝愁朝雲滯酒餘 器 國

とこり戸シテラ 沉天碧涵清空君不聞大食貢石瑩如玉中有奇松四 峽瀑聲滿人耳箇中獨欠孤猿號胡僧證有金壺汁 落巴江一江水素湍沟湧翻綠濤長風吹雲白月高三 謝家緑玉屏不琢龜甲形方若陟釐紙粉經带苔青秀 向素練圖不得女媧鍊石作五彩點染料應無此色此 石産景由天工略假石人磨削功石色欲盡玉色起沉 深唐庚絕文理十二巫峯横隱起芙蓉照影立亭亭遠 **兮屏文吳僧景芳仲聯** 趙氏鐵網珊瑚 置 洒

幾點芙蓉隔洲渚白雲白飛明月高黃牛灔酒爭雄豪 山青青兮欲雨谷窅窅兮生雲望楚臺兮何處歸將賦 猶憶巴人唱竹枝扶風馬文璧 峽口猶思弭征權霜寒夜聽驚猿號君家石屏何處得 **本落清江帝子悲陽臺雲雨是何知哀猿啼到三更月** 冥冥造化春無迹却憐宋玉老多才望斷陽臺楚天碧 巫山十二多雲雨暮暮朝朝怨神女江流峽東捲奔濤 河南陸仁

金与四月在書

卷九

事而予水仙之舟未得一造其所今高君叔彬攜此 實屏獨在世勿落忍人豪奪手我聞故人楊鐵仙束帶 時緑六月涼風捲翠濤瑟瑟秋聲戰空屋又不聞楊家 乘州上魚復喚取已童唱巴曲更借丹丘粉墨屏對紧 拜之如米顛起來發在捉鐵筆醉墨寫入青瑶錦何日 白語非真真二物化去固已久價重隋珠難再有君家 古屏刻水晶中有為雲之美人海綃衣裳為烟霧姓名 巫山真面目予當往震澤開松陵謝氏伯仲賢而好

金月山人有書

幸出此為張本云至正乙已七月廿一日金聚道人顧 右吳江謝氏家藏石屏一文為十二奉雲氣水勢浮薄 至别業求題且知楊鐵屋亦到湖上由是益知其賢而 阿瑛書於合溪别業 好事故製長詩一篇寄題實屏他日或飯君薔薇花下 記巫峽雲濤石屏後

欠こりによう

之縹者謁子言子曾得耳目之所睹記有所謂川石屏

趙氏鐵網珊瑚

累

鐵屋楊先生名曰巫峽雲濤并為志吾友高彬氏以軸

謝而歸聞居里中有當與子同僚者前婺源州判官華 予昔忝朝蹟與修遼金宋三書見舊史所載心臣孝子 縣文學吳與錢震記字士修 欠三可豆 二六 惟恐或有缺遗益以其有關於人倫風化也既成書乞 義夫節婦未當不起墓起敬玩繹再三然後筆之於刑 若巨若陸者人假物子物假人乎必有能辨之者會發 無錫華氏貞節春草二卷 貞節堂記 趙氏紡網珊瑚

是石也遇其人而又假諸文以傳玄非其幸與石韞 川之文以之而凝巫陽終南廬阜可也或者以為若董 形岩此類者衆矣惟其不為賞登者所来往往不世見 物之理獨不能自文乎對故多美石九州之名山川寓 叔之氣被於物盤磷鬱積猶足以為文況形人而備 日凡吾所見有若董北苑僧巨然陸道士者嘻扶與清 者潔若素練左右木兩章枝翰參錯木身微組一二采 石坡陀際水右映帶遠岫若在天外絕類洪谷子筆客

金月世居自言

卷九

二年二月命下旌其門曰貞節華婦陳氏之門里曰在 金分四屆全書 府上之江浙丞相府風紀之司如所舉遂聞於朝至正 年始終一節鄉里亟稱之相與具其事於州若府州若 而成就之俾不墜先業吾之願也其自誓如此後廿餘 喪事母撫幼武泣曰吾不幸喪吾良人幸而有子禄養 於家時幼武年未及風母陳南廿有八街夜站痛勉畢 幼武不天先子由都功德使司都事以疾謁告而歸來 君伯成偕其從子幼武過予問無恙外幼武拜且言曰 V

守而不失乎指所樹柔與梓言吾獲與遺孤見其愈久 堂曰貞節求學士大夫表章之分翰林侍講學士黃公 節里一日母謂幼武曰向也吾自誓時當指爾言是發 終而父為不死矣幼武謹受教退則以旌其門者名其 植加多梓之材益偉可不知所自哉庶幾念其始圖其 身齒肚而嗣蕃吾抱孫馬爾宅爾田不廢且有行桑之 而愈茂乎皆未可知矣不自意式克至于今日惟爾之 馬者其能有立乎指室廬田畝言是輪馬井馬者卒能

欠こりうしたう

趙氏鐵網珊瑚

咒

二千石久矣吾聞華婦貞節幼武亦為克孝甚矣有關 子恭讓之地也世道日趨時不古若能節釣距無亦當 至今猶想望其風采嗚呼休哉無錫吳春伯延州來季 多即守聲名聞於朝廷身蒙爵賞馴致大用列於史傳 帥以孝弟貞順之時耶方今重守令載筆者有待於良 以成風政是以駁民益以難理此非為條教與禮談相 為長民者累與今其民類無為之感制者誣陷斥計習 郡因其迹而大治其終也孝子弟弟貞婦順孫日以衆

たいり見いまう一切

趙氏銳糾珊瑚

乳

學官導以禮讓而又詳其條教人便安之最後黃霸至 黨化為敵仇而俗尚告計矣於是繼之者病馬則為立 金万四月在書 莫能制則為飾節釣距之術探其姦而躬治之既而 之好因不復辭考之西漢治郡有聲者非止一人其為 政寬猛異施而同歸於治益因時之宜而排其與爲頹 再拜以請予既嘉華婦之節幼武之孝重以伯成夙昔 **酒辱為之銘獨未有記其事者今以季父獲奉周旋敢** 川俗號難治其始也强宗大族相與為奸欺前二千石

金牙四月月言 望日嘉議大夫禮部尚書致仕干文傳記 徵因以記斯堂併告夫令之長民者至正九年春正月 子始若夫母訓之嚴家道之正則幼武前所言信而有 於民風也誠有善勸導人如次公者馬必將自華氏母 盛錢第可入不可出者又廣漢善為鉤距鉤距者如 漢守類川為銗節受吏投書其後民相告計若今之 注話胡講切如城可受投書衛令官受密事衛趙廣 釣鉤之有距吞之則順吐之則逆使人入其術中而

有五年矣節婦既老而子舉之遺孤幼武亦克自勵為 立年而遽不祿節婦年甫二十有八自誓靡它今三十 節婦陳氏無錫華君子舉之室也子舉弱冠登畿未至 以金 日距亦作能鉅又酷吏傳投銗音胡江反義同而字 不能出以鉤索其隱情也距鷄距也凡刃鋒倒刺皆 貞節堂銘并序

欠回日本書 電

佳士有司既表其門曰旌節之里幼武復扁其居曰貞

趙氏鐵網珊瑚

所由建職當奏事上前密邇清光其貴顯無難者顧乃 知諸公間當國家崇尚佛乘徼福受釐之時都功德司 節云都事君少年有大志一旦捐妻子北上以才名見 表其門曰貞節云下其事於無錫州州為表其門曰貞 著於天下矣乃悉其所見貞節之實言於有司有司為 都事君君殁更三十六寒暑而夫人亦已老矣至於是 而都事君之資産薄者厚遺孤幼者出孫且授室則夫 人之老可知里父老以夫人之貞節至於是則可以暴

欠三日日(子

趙氏鉞網珊瑚

節之堂徵銘於予益凡可以顯其親者無不為也銘曰 都功德使司都事無錫華君之室人陳氏年二十八喪 光的令譽壽考惟祺永保貞固前史官黃溍誤 年一日恒其德貞斯婦之吉行修於家匪靳人知扶善 一婦不二夫人道之常節至於苦亦何可長惟甘於節百 燒化行俗美比屋可封罔俾柏舟專美國風我銘斯室 導民是在有司爰旌其門表於州里華榜大書彤管有 貞節堂後記

金月七月月

貞節堂嘉議大夫禮部尚書致仕干公為貞節堂記其 日長學日進思所以奉其母者無不至於是扁其室曰 且少休夫人曰民勞則善心生季孫母吾師也幼武齒 約紡時節晝夜有恒式不少置幼武既長則時勸其母 教其子使之循循雅飭委已於學夫人每帥婢媵繼續 表內外無慮百數人夫人哀死事生雖織悉必中軌度 抱病南歸無幾何而不禄方殁時有孤幼武裁六歲夫 人之為女為婦皆大家能痛自刮磨富縣華既大族中

金分正石百言

患何往而非安坦之途及乎中道操者肆取者倦而始 たこうこ ことう 雖禀於天者使然要自都事君之殁三四十年之間終 車以行陸操舟以涉川其始也有兢慎之心無街橛之 不備然而幼武循屬堂之後記於遂昌鄭元祐今夫取 於夫人潔白之懿行堅疑之苦節稱頌贊述益已無乎 於咸時率其親友奉觞再拜為夫人壽其雕欣悦懌之 有不虞矣故曰行百里者半九十今夫人之粹德懿行 揆其於貞節固將照映今古幼武之於斯堂也每 趙氏鐵網珊瑚

能既哉苦李文公傅高愍女楊烈婦屬解不愧史遷今 意上有以裨民風下有以範薄俗夫豈易易於言者所 公之記斯堂也何以異乎若夫後記之作則歐公之門 華常之名族也貞節堂則華氏母陳夫人所居也華 有徐無黨在幼武字彦清至正九年春二月記 固名族至子舉尤為茂明爽以薦舉受知武宗朝得出 入宿衛左右未幾授功德使司都事又未幾以病告歸 華氏貞節堂詩序

金元四年全書

卷九

於官以轉聞於朝廷朝廷下有司表其門曰貞節幼武 歸五月而卒得年二十有六陳夫人其配也夫人既畢 於是思有以昭電光而怡慈顔爰作堂以事夫人而 十年而志愈明操愈厲人愈信之不疑故其事得以白 馬以絲理其家事恒恐墜失以遺死者羞如是者凡二 以望其成育其稱負女二人孳孳馬以待其長而勤勤 喪遂矢死不忍棄華氏當都事君卒時夫人年甫二十 人皆難之夫人鞠躬盡瘁撫其六歲孤幼武閔閔馬

欠こうられる

W

趙氏錄網珊瑚

古愈遠人心之鴻世道之降日益甚於此有人馬能為 子乃拳拳馬於是乎取豈非其有繫於風化者大與去 得收錄不在刑逸之數當是時周室雖微而先王之遺 咸謂華氏有賢母子乃作貞節堂詩以稱道其事而屬 以其所以表其門者名之朝之名公卿與四方之賢士 金分四月有書 風餘澤尚存而未泯人心世道去三代盛時尚近而夫 序於祁祁謂詩之有繁於風化尚矣昔吾夫子取當代 列國之詩而去取之的有能守節服義以自著見者咸

次已日年八十二四 是而有感馬則羞惡是非之心油然以生而貞節之風 哉雖然詩之作不作於斯堂固無與馬然使善觀者於 之人尚聲色事游熊治一事一園以自娛樂而好事者 夫豈非士君子之所宜嘉稱而樂道之者哉吾嘗觀世 且巧師游辭過為虚美以誇大之而況斯堂之美之質 厲操保全終始使死者無憾於九泉生者有賴於永世 人所難為以暴白於世則士君子且將亟亟稱道以成 其美而況乎有若陳夫人者以究究一婦人而能守志 趙氏鐵網珊瑚 孟

著令徭役斯蠲相爾貞節臺範充全太史述赞百世甘 **泣連連撫其遺狐保厥宅田哀動鄰里遵禮弗惩旌門** 金ピアログム 華婦陳氏早失所天被服斬衰寅奉几筵歲歷三紀涕 陵李祁序 辛卯秋七月既望承務即前江浙等處儒學副提舉茶 斯堂之詩其所繫者大故為序之至正十有一年歲在 可以次第而起夫豈非人心世道之所賴耶吾故以為 無錫華節母對

齊姜爾勿詳衛姬爾勿這屏爾妖以艷聽我貞節篇貞 師恭 欠已日日日本 傷衛母柏舟誓共姜皇皇太史書千載同耿光宣城貢 顔忽已姜白髮壽而康方伯陳懿範熙朝錫褒章凱風 清風被芳甸白日照華堂堂中有今母孤貞為水霜紅 傅臨川危素 貞節篇 貞節堂詩 趙氏銀網珊瑚 彭

摘金鈿何以喻貞心南山石非堅歲運忍推改於今三 子對其權中道折比異寒霜漂炎天臨河洗紅粒對 建大宅堂宇何穹然幽窗疏而間與室静且便琴瑟既 節出東南高門商雲連門上縣大字勒書下天邊門中 京贈亦鯉鮮母乃太姬裔豐容比飛仙皇畿功德府夫 不御絲麻仍在前嚴嚴白髮母膏沐久棄捐超庭子若 十年天道有顯報母壽名既傳作歌在京師庶以風 婦順子更賢偷顏奉甘旨禮節能周全清晨具稅食 E

金好四屆百書

とこう シーハンショ 春天淚灑梨花雨秋夜魂消蘭葉霜三十餘年真苦節 試聽我歌歌華母良人早歲事君王可憐玉樹聪凋傷 錫山有茶還可站錫山有檗誰云苦人生最苦定何如 王雪諸即勤孝養坐隅猶著史官銘蘇塗金 朝廷旌異播芳馨靈椿晚映流蘇慢萱草晴瞧翡翠屏 高堂南面錫山青華髮孀居自弱龄閨間艱難懷苦節 兩髩青然已成雪點語金花聖主頌華堂翠榜名即揭 挺臨川曾堅 趙氏鐵網珊瑚 至

載詠錫山為母壽楊鑄 蓼栽廢已久南 陈誰復論有美華君子扈從爰駿奔宫 共姜自誓古稱賢誰能為續柏舟篇何時升堂酌春酒 忽遘疾首丘竟逡巡嗟哉未亡人號慕徹晨昏究究撫 車蟄雷殷周廬列星分泛潦集秋雨霜風淡朝蝦一 麟兒猶是掌中珠渠渠已作舊梁棟井井寧虧昔豆區 銀臺煙冷鏡鸞孤翠袖風寒竹色枯鳳侣去承天上詔 赖爾淮陽賢太守貞名得與古人俱晉安鄭元忠 卷九 朝

多定匹库全書

趙賢 九三日日 八十 勤敏请恭著稱環列一命為功德使司都事居必何告 華為毘陵望族都事君子舉初以才薦得宿衛武宗朝 樹春長好萱花晚更芳千年劉向傳竹吊有輝光沒儀 喬木錫山陽萬門華氏堂上鄰師孟母自誓比共姜桂 願將使薄俗敦流光弦上箭千載青史存吳壽仁 孤弱今者及抱孫清朝樹風聲貞節旌萬門萬門非所 春草軒記 150 趙氏鐵網珊瑚 至

問有司因名之曰旌節里嗚呼天於貞賢之報信必至 饋祀其事舅姑盡敬養之孝其待姻族盡敦睦之爱其 家一子幼武三成二女復幼迺白誓不再適屏膏沐躬 病南歸歸五月而卒年二十有六夫人陳長君二歲而 歎美為狀其實有司以聞于朝後至元二年中書表其 奉觞前為壽夫人神清氣強宴怡以樂州里父老相與 金分口屋有電 諸孤教撫成立為賢子子復四孫皆嶄嶄知讀書歲時 治家紫盡艱難之勞使都事君之緒有引無替而是藐 おれ

此而後申之也惟幼武每痛先人之早世其嗣續幾絕 欠巴口戶 公馬 草宜亦有報春單之心矣彼葵產之領太陽君子謂 輝光之所被而一寸之心亦得夫天地之心以生則 物固微也方其土膏脈發勾圻萌達孰非春陽之所育 觀夫天地之間必然而生無然而滋者难草為多而為 微夫人將無以至於今休迺構堂曰貞節軒曰春草堂 公晉卿為銘於堂顧謂是軒不可以無記來謁予文予 則夫人居之軒則幼武奉親之所周旋也於是翰林黃 V 趙氏鐵網珊瑚

心果止是乎哉必也孝子潔白如雅之白華使其身立 遠與幼武起謝曰然遂為之書幼武字彦清至正七年 中而猶有取于此則其報親之心無窮期也無窮期也 然而生矣然以規游子可也今幼武家居奉母雍容軒 春暉之語深得古風人之古讀是詩者感孝之心蓋油 于慈母之線游子之衣而致意於難將寸草心報得三 其名揚其親顯所以期于幼武者又在乎此不既重且 向之者誠而況人乎況於孝子慈孫乎昔孟東野發與

金万四個百言

立夏日應奉翰林文字登任即同知制語無國史院編 春草軒者梅里華幼武彦清奉母夫人之所也夫人陳 修官河東張煮記 春草軒詩序

為表其宅里至是夫人年已逾五十矣其事具令翰林 以疾歸而卒夫人誓守志不移後廿年朝廷從有司請 姓歸華氏甫五年其父子舉入京為都功德使司都事

欠足り事言

直學士黄公所為都事府君墓誌銘及國子博士張公

趙氏鐵網珊瑚

九

六歲而孤賴吾母至今日今吾兒四人長者年且十 叙其所為作銘意余舊讀孟郊詩肚其詞意其為人甚偉 先生咸為詠歌其所謂春草軒者而幼武必欲得余文 矣今日安得不為吾母罄飲雖然吾又何以報吾母恩 與宴席酒半幼武舉杯至余以酒酹地為余言幼武生 而目黎韓愈並道其古貌古心至低頭拜東野若願交 余聞之戚然感且歎曰貞哉華母賢哉幼武也既縉紳 所著軒記讌客幼武所知其本求益詳一日夫人生朝

金少世居自電

宜與平生文翰若見稱于韓者不侔每令人惘惘至讀 欠己日東心的 証矣嘗試訴其詩僅三數十字而慈母之恩人子之念 必觀其瀾郊之於母如此其肯不必於君而怠于官尚 游子篇始得其所用心曰忠孝臣子之大節觀水有術 它吏分俸寫不自容又有如叢書所云者則注措施設 祭名得失益淺之為丈夫居一尉過不克盡職或假設 而不可得者然及觀遺史所議棄置看花等語則其于 于得失也耶然則韓子非妄說人明甚而二書之言近 ত 趙氏鐵網珊瑚 六十

凡為之形於聲詩發於翰墨類非妄說人者已余素喜 行有原而會通在是益有郊之譽而無其毀以令視古 此志也其事當出於忠孝不使少有佛于其親之心百 朝夕于斯酒食餐飲之餘炯乎其中質諸神而無味推 風而出其右矣竊恐後之人弗之能繼也今幼武乃能 竹函不足以寫其情殆所謂一唱三歎有遺音者軼凱 心之藹然不容自己者於之一時而動乎百世雖金鑑 遠而邇壹而至城而不出春陽百草天和周流出于人 金月日月月三日 卷九

成人恩等覆載兒之出矣念兒衣單為維為細惟恐或 沐春陽德澤之溥寸草之長子之于母其恩莫大勒育 陽春有暉物其是依何獨寸草春陽載輝菲非芳草沐 月廿一日吳郡陳漁書 少而感人多此古詩人之古趣僅存于千載之下者他 古樂府正以其得性情之真天機貪張浮懸不作用力 日 ,有感觸客衣春草尚能為華氏賦之至正七年 春暉美華孝子也

欠足り早から

1

趙氏鐵網珊瑚

春風如水流春草生芳洲游子有遠志居人無别愁居 林立母喜謂兒爾父殁時天髙地厚究究孤嫠安知今 歌我聲詩以慰母心遂昌鄭元祐 奉其母儀春草名軒本乎孟詩嗟彦清父嘅親早寡奉 寒是意之微孰為識者有唐詩人孟氏東野華彦清父 日孫又抱子是皆爾父積慶有此兒聞母言悲喜盈襟 毋斯軒飲酒伐鼓有孫在膝有孫授室兒在母前諸孫 春草曲

春暉以人春不老芝草闌干芝有孫當時夢生芝草緣 火足四年心与 春晔庭下春雲暖春草軒前草長短中有百歲宜男花 愁草綠萬千里兒衣母線春風吹春暉滿堂草菲非游 道出梁溪為彦清賦此于春草軒胡助 子歸來慈母喜階前關草爭兒戲余為太常博士歸田 人伊誰華氏子不出庭園奉甘旨可憐游子萍相似春 色青蛛級枝滿青蛛母子不斷恩草有靈芝生孝門 同胡太常賦春草軒辭 34 趙氏鐵 網珊瑚 至

當軒不我花只種忘憂草裁花恐傷春草根草色年年 阿姿喜何用逐游千萬里春草種易生春曜報難極不 為親好東方日出草霏霏堂上阿婆堂下兒兒來為壽 何以報春暉身上青袍照春草會稽楊維禎 駝陌上春風愁草萋萋春果果游子歸來在遠道庭前 春菲菲草油油千金駁馬五花裘吁嗟兒兮無好游銅 瓊國琅玕栖别鵠孤兒日長草忘憂錦棚養兒如護玉 金罗巴尼人言 春草辭為華君彦清作 老九

欠己口戶八時 一壽隨春日長教人愛殺雙蝴蝶歲歲飛來入畫堂臨海 旦梁溪道館書方外張雨 孟母遷鄰果爾賢沉橘井中香不斷樹萱堂北翠相連 風月無邊家慶裏滿庭芳草綠羊綿謝家得的元非夢 陳基 笑看書帶傳書種箇箇來衣舞壽筵至正七年十二月 將春草報春暉且著春衣舞春日舞春日樂未央阿要 奉題彦清壽母之春草軒 F 趙氏鐵網珊瑚

繡梁栖斷傅書燕畫日悲號夜飲泣萬處攻中百憂集 星霜往苒歲華愛君子歸來命如線文隐愁絕舞鏡鸞 君子去為觀國廣尊章已老兒幼稱主張門户在一身 唇年來登君子堂縫然衣裳事箕帚結褵而後五見春 華君奉觞母長壽吁嗟世人皆有母華母苦辛世無有 春草軒前好花柳華君奉母來飲酒吹笙代皷歌嬋娟 金少四是有量 忍哀站痛強自持顧護孤兒到成立孤兒成立稱華君 春草軒詩

大叢小叢顔色好華君願作芝與蘭披秀舒英發天落 春草何離離春陽何遲遲萬物沐膏澤百草獨光輝光 至正七年三月一日書於延陵驛舟汴段天祐 芝為世瑞蘭國香採之類之貢明堂願言持此報春陽 升堂日誦孟郊句開軒手題春草名春陽一日被百草 德音汪溦隆天咫桓表亭亭樹問里從此鄉人謂華君 能詩能禮無能文清溫甘古具朝夕純孝之名鄉黨開 不有此母無此子華君拳拳返哺情四顧世上丘山輕

父との事合い

趙氏鐵網珊瑚

盆

孝光 嬉鬭草拈春縷綠縟青忽不堪數楚人只解歌王孫萋 輝被下土天公本無私男兒生身長大賢知母恩未報金戶里有書 罗 卷 金罗旦居石量 萋乃有子母恩徂徠松淇園竹人生長生勝他木千年 今母心日夜憂知衣一針一度釣針線不比心綢繆兒 何用兒為何以報母手中線冬温枕席夏揮扇永嘉李 居目前暮懷抱項刻相違作憂惱兒兮勸爾無出游恐 母愛兒比瑶草百花枝頭春浩浩結緣縣聚總非寶朝

欠に口見しよう 築室在近郊開軒面平岡前祭列窟友中房鼓琴簧、 萬年春草綠右游子吟一首按古樂府有游子吟游子 慈母線永託游子衣衣線有零落母恩無終期 藿藿庭際草的 陽春輝淑氣播嘉澤勾的悉祭滋玄 化雖無言寸草心自知當恐霜露零春雌報無時願言 吟貞曜蓋擬古而作彦清要予賦春草軒詩以質前序 二十日謙書 引中語輒為題此而不敢易舊題云作序後三年七月 趙氏鐵網珊瑚 盍

龍庭華母長壽考即所居軒種春草寸心初存天地間 明 雖易邁春暉豈能忘竭此寸草心以慰母顏康永嘉髙 母言媚居二十七孝經論語親授兒好禮能詩見今日 錦惟微動博山烟瑶池飛下西王鳥我嘗登堂拜母畢 百葉未與風霜槁草之在山却甚小慈竹清陰護來好 服及春日奉觞升華堂禮酒既嘉泉有疏亦芬芳流景 人生莫不知爱親君家歡樂難具陳烏爲螻蟻方滿

金写口屋有書

卷九

一曼牽書帶脩莖矗劒鉛綿綿思道路惻惻念衣裳結構 青韵浮江郭庭階草色芳晨暉窗自綠春雨屐生香弱 當喜懼燕處貴偷悅盆為樹叢萱憂來庶能遣楊鑄 烟輕黛散級露明珠泫時物正暄妍景光書流轉親年 春院多綠芳延綿蔚如剪何以比繁殺青絲染猶淺拂 題 兒持壽鶴客載歌白髮如新照谿水席帽山人王逢敬 膝前魚笋朝朝新客觞阿母母囑子有客有兒家不毀

欠己可臣 二十

J.

趙氏鐵網珊瑚

玄

芳澹露晓秀色含烟霏廼知造化心玄澤無停機伊人 |青陽播淑氣百卉生華滋光風一披拂䴖鹊浮雲暉幽 暖香芬馥户間塵金杯飲後慈顔悦絲袖翻時樂意真 金写巴唇有言 早失怙撫育仰母慈髙門赖扶植沉復蕃孫枝清時表 華軒結構幾經春草色當軒歲歲新晓翠溟濛簾外雨 為爾題詩倍惆悵天涯多少遠游人陳遠 陵邑門旌孝子鄉殷勤張太史為播五雲章納新 懷東野安與奉北堂豈須三釜養自可百憂忘地近延

欠己可見 二 衣垂五米屢舞對幽芳搴簾窥秀色移履襲微香弱卉 貢師泰 宅里巨扁揭華粮門軒俯平綠每懷貞曜詩念兹恩問 每誦游子吟長懷孟東野寸草媚春暉還如爱親者來 酌映瑶席春衣迷綠文感兹微物意益得奉殷勤宣城 卷幔見芳草羊綿如綠雲庭階初遇雨時復送餘薰晚 極欲報心無涯堂前樹萱草堂下羅斑衣願言勤爱日 永與莊椿期京兆宇文公該 趙氏鐵網珊瑚 芝

春 **霏霏翠霧裏尊罍睛萱更向堂陰樹慈竹選從石上** 理 高軒麗春景密草暖含芳和葉苞新綠纖並蔓紫線垂 定省胡乃客天京念兹慈母線愧爾獨含情塗貞叔良 有容質無以報恩光庶願承餘照不見委秋霜南陽謝 風絢餘采襲霧散飛香何能自崇美無乃藉春陽但嗟 本無情猶能感滋植鞠育天地恩于人意何極嗟予違 風草色映池臺綠袖將車奉母來澹澹清暉沈几席 一裁

多写世尼石電

卷九

嗟我京華成久客歸心正爾念庭聞合 肥黄師憲 陷前時舞老來衣光風畫轉萱花合翠藹朝凝玉樹依 子心百歲終不移王餘慶 躬何為者父母養育之思深其罔極欲報無窮涯堂中 羡爾長吟東野句天涯游子莫徘徊會稽韓文與 奉慈顔堂下舞綵衣堂前生意足春草長萋萋悠哉孝 陽光麗羣植实实含春暉生長天地德寸心乃其微眇 母恩浩蕩似春暉孝子心同寸草微軒上仍題東野句 3 趙氏鐵網珊瑚 究

とこうシノル

笑聞女以貞烈著行者則欣然慕之年十九而嫁嫁 **亢闘相如題** 和遍九垓草舞春風翠大視同一仁與我復何異情性 本天然孝子心不匱願將華子誠永錫及爾類古無督 草有一寸心人有方寸地華君名其軒中有無盡意陽 **金好四月全書** 婦李名惠蘇之昆邑人水德之妻也幼專靜不妄言 昆山水節婦詩卷 節婦傅

者至十數不為之變媒氏則以言動之日夫人年少而 者遂止洪武癸丑其宗以事繁京獄同産當連坐色史 とこりるしよう 蹈禍無為也節婦念曰若然則禮義可以危急棄也吾 之任事者以勢要之曰若適人則可存李氏後不然俱 無子其如衰老無托何節婦殺然曰是誠何言夫天也 年而寡即屏去繁飾誓死以守義服關里人爭以禮聘 他若鱼去無汙我遂引絕自經頼有姊該之得不死聘 天可二乎夫不壽子無有命也吾知守義而已安知其 越氏鐵網珊瑚 充

金灰四厚全書 凛在人耳目意謂天地剛正之氣流行乎兩間其鍾于 續維細以自給其兄姊之孤女嫁而寡者嫁而失所依 家業已没于官無所歸矣節婦依貸所親僦屋而居紡 年若干距夫卒已廿四年矣赞曰吾曾觀古節義行事 者幼而未有歸者咸聚而食之閏門雍睦泊如也節婦 者節婦不之從一以實對上官告其行以聞得該送還 志决矣雖萬被誅戮無悔也至或有勸其無以居孀對 人者因不以古今異也是何令之世獨無有哉李氏誓 **X** 卷九

火足の軍人皆 於李氏也哉錢塘陳先生潛夫為之傳而李氏貞節彰 愧於曹文叔妻令女也世之龊龊屈身苟活者可無愧 |志他往聞李氏行事而不之慙者無人心者也故為傳 右昆色水德之妻李氏年少夫也無子守義孀居雖貧 其事以俟觀風者采馬 丈夫氣謂非得天地剛正之氣可乎彼朝哭其夫而慕 窮患難筑筑無依而志益堅能為其無所為而為可無 死以守義當流離顛沛之際言論慷慨益久愈 堅毅有 -趙氏鐵網珊瑚

變則有美有刺矣當是時詩也而春秋作春秋則有褒 異倫風教之所由始也聖人筆之經昭乎若日月之垂 識于後豐城余詮題 矣益潛夫學行卓卓少許可其言足徵於三復之餘并 天而有目者親矣然子觀乎詩二南之正王道得而政 有贬矣夫婦居室之常婚姻端本之要尤聖經之所慎 化淳其風渾渾爾也降而至于此都而下之詩之風之 水德婦李氏節行詩序

至自縊以絕羣望此與衛共姜之矢死靡他奚以異及 信而有徵者耶當節婦之早發也邑人爭聘之而不貳 唐陳君潛夫為之其播之詠歌者則皆四方之聞人其 姜而止耳若牆有淡諸篇抑何其刺多而美寡耶二百 重而十三國變風之詩其所美者衛莊姜而止耳衛共 斯久矣適有以蘇之昆色水節婦傳示予者其文則錢 止耳若遜于齊諸策抑何其貶多而褒寡耶予之感于 四十二年之春秋其所褒者紀叔姬而止耳宋共姬而

欠記りにい

SE S

趙氏鐵網珊瑚

土

宜詠歌之詩人之旨也予是以知斯世之不幸而有斯 姜之怨懟哉於戲賢矣夫賢而得書春秋之法也賢而 避火以生者其志亦不大相異也凡此三節者能聞古 尤慷慨拒于辭色此與宋共姬之寧建火而死不肯少 其身在胥靡或勘之無以居孀對真弗與同產連坐者 人之風而與起有如萬一遇夫婦之變豈尚異於街共 奚以異彼豪猶吏又乗其危警之以威而利林之節婦 而節婦堅莫之從此與紀叔姬之不歸宗國而歸于 鄗

金岁口人有量

緊節婦李剛而毅伉儷再期所天逝達首垢面屏笄珥 鄰媼媒孽言以說下無兒息旁無恃筑然孑立非遠計 事也予是以知斯世之幸而有斯人也予是以知斯人 放選鄉問行益厲朝昏紡績供飲食聚兄姊孤一室內 絕而復蘇息浮議薦罹變故投荒裔執言不回身免竄 之不幸而有斯名也予是以知斯人之幸而有斯名也 作節行詩序蘇人金文徵書 上指天日矢不貳引絕自經明己意伯姊往救出死地

飲定四車全書

199

趙氏鐵網珊瑚

悲歌黃鵠以見志禮宗罵賊速盡惠景行義桓旌厥懿 撫育教部若已出貞哉沈江建火斃之死靡他柏舟誓 容知悴色翻袂掩啼痕易斷生前誼難忘死後恩柏舟 **総車刺嫂刀割鼻剪髮投井谷斷臂緊節婦李誠可儷** 彼美水家婦節行端可許蒙砧既云 殁街哀告無所球 詩在昔愧我若為論丹丘吳儁 陳子作傳庶無愧嗚呼偷生等犬虱汝陽衣華 良人應早世貞婦自名門鏡缺人虧影蘭衰命在根飲

去不返泣涕徒連連之死矢不貳節行金石堅吏以威 我真節門此立山之前云是水德婦二十失所天黃臨 昆丘故鄉邑一别三十年歸來訪陳跡衰草迷寒烟我 詩敦風振頹靡吳與盧煥 李花酣春媚芳墅朝開暮還洛曷能久延付載歌節婦 莫我奪失言惟死拒托身比松柏肯受冰雪阻嗟嗟桃 福說媒以笙簧言了若耳不聞此心如井泉機杼玉指 **櫺月流光形影相吊語** 以貞自守長年事機杼厥志

欠足四草全事

趙氏鐵網珊瑚

睹彼節婦賢東平沈中 舟永矢同其賢持家守道非求街節行貞堅端可羡鄉 寒孤燈照愁眠僦居蔽風雨撫育諸顛連寥寥千載下 條白屋風雨夕青燈照影寒蛩呼東家媒娘曾致語誘 居紡績三十年生計迫感天垂憐剪髮截鼻良自苦柏 以黄金百端綺古今一醮無改更妾身念之惟有死寡 水家婦李家女生長深閨好眉姬適人未久移所天日 日靈前哭如雨百年大義不可孤此心今知鬼是夫蕭

水家貞婦蕙蘭姿廿載孀居節自持陶女矢歌黄鵠操 共姜誓死柏舟詩感時顧影臨鸞鏡舉案傷心對總惟 只恨同生未同穴九原無路不勝悲曲阜孔克讓 問情情播芳聲千古清風者佳傳高平范中立 婦年二十而夫死夫死無子守節者廿有四年 惟聞有王節婦一人不知有李氏蓋王素多貲 昆山李節婦傅國子學正潛夫陳先生所作節 今年幾五十嗚呼李氏誠可書也予當居昆山

欠己日日白

趙氏鏡網珊瑚

七志

金万四四人有言 申明所列姓名甚多而在善獨無一人豈真無 亭以罰惡繼又立旌善亭以賞善予行南北見 李氏之不稱於人天下之無聞於世者多矣是 李甚貧鄉里不為之表白故不見稱于人也觀 其人耶人之不樂稱人之善善人之不得聞於 世豈細故哉雖然李氏節行能使國子先生文 可傷也是可傷也今制天下郡縣鄉保立申明 之名公即詩之天理豈不較然明白耶他日良

古 柏老積雪 鶴唳皎月松號悲風 有石儼兮惠也如石不可轉兮 昆山之陽有玉溫兮惠也如玉不可焚兮 昆山之陰 水節婦李能以貞義自誓臨難不回廬陵易恒 矣李氏之夫水氏名德為賦昆山五章章四句 有司必有能承上古意列名旌善光表其門者 松柏可推鸞鶴可伍惟此玉石勒銘干 上有孤鸞栖于山柏鸞翔閒雲 下有别鶴巢於山松

欠己の手心

ঙ্গ

趙氏鐵網珊瑚

七五

金与巴尼百量 枯石爛婦不死吁嗟乎節婦李 厥俗靡義是履孝婦令女事有矣陳子作傅遲良史海 義婦拒以正論而止固婦之罪人也又能育其 罪人也吁真可尚也已真可尚也已時洪武壬 貴而以塗人待族之寒餓者又何如哉尤婦之 子觀節婦臨難時小人乗間以利誘其陷於不 族無歸之子女五人俾得其所則視世之享富 作詩以記之

次足四草合 陵廖敬先 持鏡照心不照影捲下鴛鴦衾擲却鴛鴦枕嗟嗟未丛 极頹俗是宜姓松南法詢 守究等矢弗貳遂自經志益厲行益貞事紡績撫養學 寒水無波不離井古磚作鏡何人信崑山節婦水德妻 婉而淑靜且寧 玉之瑩水之清一與 醮同死生早不天 人所天身已殞碧梧老去鳳軍栖半點殘燈照孤寢廬 戌立春前二日書於强氏之書堂恒又識 趙氏鐵網珊瑚 き

青山石心如古井泉總使外物誘不動亦不遷鄉亭表 後世勸否則立言君子以發潛闡幽為事者亦從而書 古之人以也孝節義自見者必見録于史官以為天下 理更用文章宣潛光表淑德萬古日月懸冰南張徵題 旌善分别愚與賢遂令汙濁婦尤當思靜專雖得東桑 居誓不續風化天下先既遭里人毀貞立無所偏身比 之以告當世誠以天理民彝所繁不可得而已也夫豈 倫重網常婦道無二天良人失和聲譬斷琴瑟紅娟

金岁里是有罪

卷九

欠己日年 公馬 見龍光下實表異其門則于天理民暴益所增重矣豈 節義使者行部必孳孳以詢察咨訪為務有以上聞將 進伯裒集若干篇裝潢成軸以示於余伏觀聖朝崇尚 雖云不幸而托斯文以傳不朽則有甚幸者馬其姓学 賣為傅其事而節婦之幽光賴已白矣且吾師之言信 尋常細故哉崑山李節婦惠水德之配也年二十未有 必傳世而行後而一時聞人又播為歌詩以美之節婦 子而寡誓死以守義今廿有四年矣吾師潛齊陳先生 趙氏鐵網珊瑚 芝

金牙正月白書 失其節真可尚矣予雖不文每讀前代節行諸傅未曾 潛夫端友也既為之傳言豈誣哉李氏能守其道而不 李年少寡居德容無備紡績自養或以勢利該之毅然 始無可渝者蓋夫迺天也可不盡其道乎同郡水節婦 **夫通政使司試左通政余愾題** 不答則見其志操堅確儀若秋霜烈日不可犯錢唐陳 人之有生不可不知其道且夫女事夫臣事君厥志終 不侔與故感而為之書洪武十四年十月十日奉議大

崑有李女淑且貞兮爰配君子鳳皇和鳴兮夢未維熊 史采摭以警流俗云婁東曹亨長通 有生之榮不知有生之辱大義淪喪小德奚足論與使 其有知李氏之風烏得無處於心乎斯言膚淺尚俟國 不掩卷起敬沉乎今日擊而親親之耶嗟時之人徒知 李節婦頌

次已日華上

惸兮巧言蠱惑欲效雉經兮之死靡他艱險履冰兮終

趙氏鐵網珊瑚

と+ハ

夫歸杳冥兮畫哭素惟洒淚盈盈兮夜績青燈抱影博

武心者靦顏偷生兮鑒以衆目涇濁渭清兮老人作頌 庶示勘懲兮洪武十六年秋七月既望司業王嘉會書 名兮孰與為儒共姜陶嬰兮旌表可待光表門庭兮彼 關蕙自罄兮霜雪冱寒松柏獨青兮一身秉節千載著 馬允臧天理足徵兮義撫孤弱鞠育望成兮嚴谷無 金グロカノニ 于爨倫堂 周道與二南之詩為正風漢廣白茅上作下應 婦無有不由于正者周之教也陵夷之久變風

信醜矣無共姜之柏舟乎株林澤陂信無禮矣 之教然變風之世去文王之教遠矣鶉之奔奔 俱變者也正變懸絕人品相去遠矣性與習之 無宋伯姬夜不下堂而火乎此性也不與變風 其教非性之罪也故有天命之性不可無修道 性未有不正而習或變之也上失其道則下失 也上之人能庶之富之而教之也謂之變風者 于是乎作馬然則謂之正風者性正而習亦正 趙氏鐵 網珊瑚

火足四車全書

脱笄解起棄膏沐粒聚綠蓄佐不足强速于訟終不從 肚士在險身或辱婦也東義潔冰玉崑岡孕秀氣清淑 宜 志于今二十餘年鄉黨以節稱而士大夫贊詠 水德二年而寡且無子邑人爭委禽馬誓不奈 之盈軸夫然後知天性之自然有不待于邦國 累耳若夫兵革外驅衣食內迫苟且活性命權 之教嫠婦之全其良心是可美也 狗風俗者屢變矣獨崑山李氏惠年十九歸

飲定四車全書 從今石爛海揚塵皦繳初心終不易陳君傳述名乃 十有 李氏女水德妻生家蕙質多令儀年方十九始擇歸 不整豈似春風楊柳花也隨蝴婕過東家誓將守志只 名與婁水流無窮吳郡周南老 婦也高節烈士同 嫁時鏡愁對孤寫影蜂媒來往漫自狂淨洗紅粧容 任自穿墉作鼠牙將老無兒息夜夜挑燈事機 身己發崩城哭聲淚交墮化石望回情轉悲 自奮單弱保厥躬懷清臺高齊玉峰 趙氏鐵網珊瑚 聞

吳沉 郭子翀 昨箕帚初結言共終始錦食幾何時潛寐長不起羅襟 朱絲託貿瑟流萍寄綠水水枯萍尚在瑟碎絃不弛憶 暑頻交代堅貞自不遷儒林爭頌述文石看新鐫金華 彼美関中質寡居當盛年柏舟曾有誓王貌忍重妍寒 宛勝官書表户門北里西鄰羨貞節死别艱難那可說 節婦詩 首

次足四車公書 案與齊眉 茶生根不移前謝枝不離婦人一醮終不改天且可改 婦今作西家妻小草有貞性人反禽犢為世無障川手 再揚豈無桃與李保此冰玉身見彼黃泉裏尋陽張來 為誰開餐髮為誰理塞修何為來悲嘯發皓齒飛霍不 三綱魔傷哉古道久凋喪況乃造昧雲雷時昔為東隣 倒馬能支彼美節婦李卓見所希早歲事良人舉 朝破鏡雅上天二十四載甘空閨不事治 趙氏鐵網珊瑚 全

乎男兒節義胡可虧節義不立非男兒華亭黃章 詩警彼溥俗滴惸惸女子能若斯男兒節義胡可虧鳥 咸相依嫗言來簧惑彼寧知東桑此心匪石不可轉憤 容粒不著嫁時衣皎皎玉雪操暗室生光輝繭繇麻泉 相之介爾景福錫爾遐壽樂哉黄髮以為期我歌節婦 躬紡績畫響刀尺宵鳴機女紅為養不自能挨有發女 玉山之麓滄海漘清淑氣萃生令人水家有婦抱冰節 怒竟欲以死辭貞義凛莫奪上有 天翁知冥冥之中 陰

金グロアノー

早歲即傷夫夭折髻螺不整鏡鸞空色稿形枯淚成血 欠己日東心島 倏然一旦夫不禄荆釵布裙休膏沐之死靡他分幽獨 **薰爾類同作蘭與芝山靈啧啧海神喜豈愁人世無人** 敢虧艱難萬變志不移清芬藹江左夹实無盡期況能 别竟無相見時舊業不復存辟縊禦寒餓寒饑逼身節 淚成血心愈悲不比世間生别離生離尚有重來日死! 狂瀾奔注障者孰節婦李惠名最暴惠歸水氏再臘伏 知滄海或可填玉山或可推貞婦心不可回 趙氏鏡網珊瑚 至

崑峯李婦世稱賢二十孀居失所天冰葉素持心匪石 金河四月百十 東觀直筆書汗竹婁江沈丙 青燈半世守茅屋松柏同操梅同馥皇華不日覧風俗 官為上請逐鄉曲吁嗟節婦義尤為共姜令女真其屬 欲使冠裳等禽愤忿然自經兄解縛良人夜臺應與目 還諸女姪家移移女紅惟勤胥勉最媒氏簧言汙貞淑 **我麻忍者淚如泉雞牕燭暗霜飛曉鏡匣塵昏月下弦** 同宗連坐繋天獄僉言節對罪可贖婦見上官以情告

予讀共姜柏舟詩未當不嘉其貞烈而嗟歎也今觀崑 闔門孤幼能重撫多士詞章喜盛傳誓比共姜名益著 訴實寧教族禍連己報陳情恩特降即看歸里節仍全 欠己口草心事 之節婦李氏益亦類乎共姜者故大夫士歌詠之若其 自是網常千古事好將貞烈續遗編廬陵伍介貞 歌詣陶女志逾堅昔年勵行應難並此日觀風孰敢先 無子管生遭亂裏有身甘老未亡前自經不慎媒言惑 顛沛之際解色慷慨與大事女紅以活族之孤嫠者則 趙氏鏡網珊瑚

鳴雖在河洲飛鴻度河流嗟鴻匪雖屬兩志能相投雖 生有定偶鴻孤無再儔緊彼物情正胡乃人不修崑筝 **凋予于節婦亦云洪武丁卯五月八日河東吕昭題 蓋異世而同符也嗚呼禮義之在人心不以盛衰存亡** 而變易之者於此可見傳所謂歲寒然後知松稻之後 無也如論其志行卓然自守而卒不可搖奪斯二人者 于三百篇傅之天下後世者則共姜之所有而李之所 共姜之所無而李之所有也若其詩見錄于聖人而列

金月口人有量

|當塗既失御典午紛披猖太樸日以漓薄俗徒悲傷孀 火迁四事心馬 朝哭暮歌謳豈惟節婦耶重為雎鴻羞胡連 |净翠幔蘭香收泣血每自矢悲思追柏舟世有未亡 奄逝 嫠居終白頭持此不二心誓死同一丘王顏紅粉 水德婦志潔澄潭秋新雅識夫面年華幾二周良人條 不二臨危行尤良事輕鴻毛並義重金石方撫兹異今 居惟令女獨以禮自防孤貞昭日月雅操淩冰霜悠悠 百世下擅美誰聯芳近聞李名惠乃能員剛賜守節志 趙氏鐵網珊瑚 省

金八旦是有電 者傳馬而不傳烈女何耶蓋是時去古未遠風節尚存 品滿眼明水碧海雲空治平好在共姜並紡績今歸幽 昔感歎心難忘緬懷窮壤間昼昼同耿光於馬表風化 女之事夫猶士之事君當禀天地剛正之氣忠節雖殊 告攜箕·帚順民風林末歸霞忽墮鴻颂本字寫桐花題 庶足扶綱常長沙謝文明遠 其分一也予當怪司馬公之作史也游俠者傅馬貨殖 頌中崑玉髙寒三百丈山形不與舊時同王起

是可歎也雖然君子盡其在我者而已豈復論其幸哉 從容就死可謂難矣而采風者遺之獨鐵翁一傳存馬 亦已至矣嗚呼其不幸者則太倉尚氏女子白刃之下 之貞烈者三其中亦有幸不幸也其幸者朱虎妻茅氏 夫亦可知矣噫世道日降風俗日滴自元迄今得色中 操之好雄終其身不敢篡漢皇南規妻寧死而不負其 雄表門問名昭青史水德妻李氏書名 天府播之聲詩 人知守一而己而不知他也降及東漢猶庶幾馬雖曹

レスフラ シケラ

趙氏鐵網珊瑚

盆

多定匹庫全書 孀婦青年志不草鉛華寂寞幾經春簫中已斷孤鸞曲 勸嗚呼秉桑在人身節恒有而世不盡聞者言未足以 婦李氏事筆於吾友陳潛夫之文言可徵也足為世教 節名者不有以章别之則奚足以振頹靡昭貞烈也節 為臣婦者觀此亦可以少助剛正之氣矣縣人盧彭祖 婦以節行在非古也世弊俗偷情勝禮欲奪義其能以 取徵耳深可歎馬洪武壬戌夏六月望日周敏跋 上誰分采鳳文甘與寒梅同勁操肯將白壁浣緇塵

語言丹心更昭晰凛然範薄媮德與古先列崑丘秀而 節義事臨危見貞烈平居尚所難況當值線經慷慨出 禮義在人心耿耿不可滅所以忠烈人之死保名節世 高婁水清且澈先生為作傳端厚風教設後學朱吉 降習俗移斯事豈云缺今觀節婦行禀操早奇絕景墓 惟應行義希前古贏得清名表縉紳章貢黃莊伯敬

次にりをから

17

趙氏鏡網珊瑚

矣

笑蹈白刃謾罵捐厥身下至里巷間遠邇風化均崑山

元氏失其馭綱常日以淪如何兒婦人節義乃紛紜含

荷再造恩歸來家室盡觸目皆荒榛僦屋敬風雨女紅 義然然與怒嗔禽行欲相汙雉經豈無因豪吏来我急 度朝昏寒食一盂飯淚洒水氏墳自從喪亂來大義久 要之結婚姻無由得上請戮彼滄江濱連逮獲賜宥仰 所天哀號感比隣生死不再適願從泉下人或者諷非 水節婦城質婉且淳閨門著懿行及嫁母命申二載失 金月日月月日 君庶幾愧此輩正氣時一伸聖朝有盛典旌表節行倫 不振屈膝幸茍活多是厚禄臣庶耶道己喪臨危竟忘

火足四東心 暑獨處值苦辛眷眷懷昔時則馆淚沾巾 聚人皆有偶孤生獨不辰既并去親側于歸畢婚姻克 死願穴中塵堅秉從一言終此百年身盧儒 與偕老誓言豈昧陳誰云一朝異中道忽先淪餅沈傷 皇華米民風願以行實陳傳之史冊內炳炳垂千春吳 綆斷 雖破惜鸞分空梁吊落月殘燈照孤魂幽閨離寒 配承君子率德義與仁好合如琴瑟和樂兩相親執手 人錢震 Ą 趙氏鏡網珊瑚 生同世上匹 全

世道降矣節義之人不易得矣若傳稱李氏者可謂風 生傳李氏貞節事歷歷可考其必因其實而名之者耳 副其實者誠以天下後世之不可欺也錢唐陳潛夫先 予觀古之君子固樂道人之善然亦未當有名之而不 明春秋必知慎予奪之古予故書此以表其言之足徵 知其實又安可不偷揚之以為薄俗勸哉抑又聞潛齊 雨之雞鳴晦明之日月矣然則士君子不知其實則已 不然則何以取信于諸聞人而又從而詠歌之耶嗚呼

金月口居自電

火巴四里人 篇而其傅則蜀郡王孁之所作也實生他日復請桑名 若夫叙其事之顛末則見於諸作者屢矣子奚容贅曲 稱述詠歌之莊之子寳生因集其見於詩文者得若干 陳婦節義集者學士大夫美陳思恭妻莊氏之節義而 尋為它人所藏是亦得其所也錄本計一十二飜 感慨就于其地得觀節行之卷錄之于行索中不久卷 河林鍾跋 陳婦節義集敘 予游崑山曾過其在門下歸然雙柏不勝 趙氏鐵綱珊瑚

在也乃能是馬豈由於被上之化而然與抑其性然也 之内而赫馬以著其忠孝節義如古之所謂大丈夫者 然以作以為開睢之化其不行于天下也亦己久矣而 之頃耳而乃有處億萬里之間而此然以立寓億萬年 以言其生之身則七尺之軀爾以言其生之期則百年 鼻四肢百體男女飲食之欲馬固亦與蟲魚鳥獸等也 嗟夫天地如此其大且遠也其生人也俄而有耳目口 其集而併敘馬乃敘之曰予觀陳婦莊之節義為之慨

金河口尼有電

其夫前婦之子在彼外家者使得以就食且能為夫償 大丈夫者而何其有節也然莊又能贖田數千里外授 必其生還及其既還而復去去而消海以死莊又言誓 子而輒浮海以去去而無聞者五年莊能却所傳聞而 商而競買而莊之夫固商也自海鹽來為贅婿益既生 大丈夫者少也莊婦人也而生於泉泉南裔也其俗超 亦不難也然而以為難者何也忠孝節義如古之所謂 死不嫁以成其五歲之孤嗚呼莊婦人也非世之所謂

次足口草心

趙氏鐵網珊瑚

兌

天下之性皆然也與天下之性皆然而莊之性獨然也 以死而其為忠與孝者蓋亦難矣莊婦人也為節與義 所難為而今之所謂大丈夫者乃反欲為其婦人之所 以莊而較夫世之所謂大丈夫者類皆儵馬而生忽馬 馬嗚呼莊固非世之所謂大丈夫者又何其義也然予 其友宿負使彼得之以脱於禍難又他節婦所難能者 而有不難者益古之所謂烈婦云者皆為其大丈夫之 不為也其相去何遠哉或曰莊之性然也然莊之性與

金与口戶有電

恭以商來因贅為婿一年生子寶生既四月思恭去商 莊氏海鹽陳思恭妻也泉州人順帝初莊年二十四思 之日節義集而叙之者於以為天下後世勸也是歲辛 益亦有可書者雖然予所書又豈獨以莊而已與故名 亥秋九月叙 朝洪武四年年五十有六而寳生以逾壯母子慈且孝 其相去又何遠哉莊寡居在至正問凡廿有六年至國 陳節婦傅

飲之四軍全書

趙氏鐵網珊瑚

九十

恭乃漂自某國而還至是去已五年矣其年思恭又浮 海上久而無聞人往往日死矣莊乃盡屏其容飾若有 有叩之者驚問馬曰我也若思恭然啓户果為思恭思 兒吾夫猶不死也媼去不復敢言莊當閉户以織忍聞 為吾大果死與谁見之者果死吾猶有吾兒馬吾育吾 所自誓者莊旁無內外親然能自養其父母及死且葬 海去逐以溺死聞時寳生甫五歲莊居喪務紡績為家 無所於依鄰媼諷以更嫁莊曰甚哉媼之不祥也媼以

謂吾夫友爾為吾夫友而為斯言非吾夫友也因謝絕 業既而遣賓生就外傅人聞莊賢而有容且讀書有欲 **伙足四軍全髻** 吾兒沉今又漸長吾所以不死者庶幾其有成爾女婦 娶之者托思恭鄉友介女婦以為言莊泣謂女婦曰吾 不負我初心過此不敢知也又曰若之為斯言者誠自 死吾且與之俱死幸而不死或不才吾亦惟老且死期 日生與死成與否顧可必哉莊又泣日即不幸而吾兒 夫前數年人以為死矣時吾兒才出襁褓吾尚有望於 1 趙氏鐵網珊瑚

財償之賓生性亦慕義稍長即往澉浦拜寶一為兄寶 繋獄中莊日生而稱貸于人死不可使有負也傾所餘 彼而質于人可復也乃使人遗寶一錢四千絡俾贖以 生與吾所乳均出吾夫固均為吾子吾聞吾夫有田在 自養思於當貸其友石章錢五千絕章至是負舶司錢 思恭死二年莊曰寶一年已十三矣今誰賴馬且彼所 之初思恭來泉時有前娶婦生子曰實一在海鹽外家 一欲分與以其田辭不受他日寶一死復為長育其孤

之也 次定四車全書 與未仕士豈無所為而然耶夫忠孝節義為聲教先今 國史如傳貞節莊固其人與然則莊不預元史者非削 方下詔時不以屬儒臣之嘗食元禄者而以命今史官 貞節傳馬莊生元世史官日宜傳然生者不預也既而 從史官後比予在元末當為莊作傳附野史今元史有 日姑述之莊今生逢有明而身猶康强其亦有所待哉 i 趙氏鐵網珊瑚 尘

女君子謂莊之教馬史氏曰洪武初詔修元史子執筆

淚萬行收將望夫淚膾鯉獨升堂堂上雙親老都憐 影自知憐相傳夫婿死真贋尚茫然脱却繡襦襠蓮 相逢夢邊過倚户夕陽時不見南歸枕依稀四五年顧 朝嫁夫婿共在洞城住門前有舶船便欲為商去職 妾生南海涯窈窕如秋華鄰娃不識面千里隔牕紗 酒髮綠濃如柳撾鼓起開飄參差挂牛斗獨閉香閨卧 四月忍作生離别臨行豈不聞懷裏兒聲咽相勸筵前 百年身今年涉兩春泉林銀燭下生此玉麒麟轉頭 好 腮

11111

卷九

次足四華島 江流寫雙淚妾欲赴黃泉兒生未十年提攜今長大待 悲桑田海清溪明年計音至命與青天墜剪紙獨招魂 神語滄海日安流有約明年返别來期未遠怪夢不勝 怕父去愁見港中潮歸家三涉夜販寶復東游蠻巫作 極却成哀淚进春空霰兒長至父腰再拜可憐嬌蹇衣 俄聞叩户聲鵲語榜前日開局見夫面翻疑眼生眩喜 孫好如何妾薄命再哭此與考隻影坐空惟依依膝下 兒兒能學人語口授柏舟詩經年機上織掩户秋苔碧 'অ 趙氏鐵網珊瑚 至

雪滿胞白髮幾年孀課兒終夜讀不暇計更長兒今長 身自有子生理在十指紡績不曾聞供渠買經史鋒前 似父祀事真堪付春秋稱孝子街哀進觴俎妾老兒方 賣妾金 鳳釵轉寄外家來說與孤兒道持此贖田回妾 乳念彼孤兒隔辛苦謀衣食妾聞夫有田質在它人宅 夫君夫君前有婦生兒在澉浦年是妾兒兄何須口 與父齊肩唾际隣家媼不死何為老殷勤諷巧言格 金万里是看 可倒妾自願為人人誰亂鳥聲他年泉下路尚欲見 同

肚前期百年養不負妾初心少答夫深望有婦佩宜男 妾家温陵近南浦嫁得良人業為賈良人長年爱遠游 翰林侍制承直郎兼國史院編修官烏傷王禕譔 語在階除願婦同兒老母為妾與夫洪武三年夏五月 如兒奉旨甘一飲知姑性嘗羹再至三焚香禱夜初細 陳節婦詞

飲定四車全書

N

趙氏鐵網珊瑚

名

不仁無那蛟龍橫漂没孤身不得還君非渡河老狂父

不敢新粒映門户販寶遥聞去百蠻朝朝海上望青山

遠客天涯信已沈心事不隨山石轉淚痕應共水波 綠綺休彈別鵠吟此生恩義重黃金離魂海上愁方接 十年身在子方强濤翻怒鰐歸魂慘鏡掩離鸞別恨長 無計可尋屍共穴柏舟腸斷衛共姜 化作孤飛精衛禽史官高於 波濤如山何不顧尋屍便欲赴窮淵膝下嬌兒誰與哺 十載空閨守寸心滄溟水淺恨情深願身不化山頭 從抱節守空堂應念良人海上商萬里信還夫已殁 石

欽定四軍全書 之中有幸者與其子實生出此卷求詩予既高其母之 常守節益不幸也頃自兵與婦人女子死節于鋒刃之 文章太史更生筆 既有賢子以表明之又得史臣之文以紀錄之斯不幸 其紋爨倫厚風俗豈小補哉然竊有感馬夫婦人道之 下而湮没無聞抑不幸中之又不幸者馬今陳節婦莊 讀史官王君룛所纂陳節婦傅事核而詳詞嚴而正 黄鹄詞并序 Ą 節萬門班古今吳郡謝嶽 超氏鐵網羽瑚

温陵陳婦莊喪夫守義著卓卓之行太原王行為著節 衛兮填海以平誓銜骨兮同歸九京汝陽衣華 行又嘉其教子之有成也迺製黄鹄詞遗之俾歌以壽 母云其詞曰 矢死而靡它兮念其故雄宛頸哺子兮子翼以成匪精 賦嗚呼古之人有賦寡婦者矣然寡婦之賦賦其情 舉分溟海無垠鐵翮龍淵兮羌不可以復生雌 節婦賦

次足四軍公馬 由伉儷有典有常人道斯貴夫娘於君妻之日齊一適 所傳遙遥炎取薄海之邦亦有其傷某名氏莊歸陳 諾既踐婦節以髙出目示心解脫潔已寧不爱身義激 節婦之賦賦其義以義制情情有不足言矣賦曰 厥惟生人元化萃靈陰陽合并配耦迺成天倫肇初本 乃或時見於識降衷治亂靡問淮陽祀陳熊郡存曹然 不貳再熙匪儀衛姜之貞君子攸歸前修令猷遗武堪 |姬數既過聚禮蕩然詎乏紹衣孰返其元惟姜之 趙氏鐵網珊瑚 李

嚮善幾三十年家日滋衍夫人所為固各有志曷克具 靳茂陳族令淑外聞厥德之修咸企而慕凱兹好述有 遵遂令遐荒謂曰有人筑筑處簽悴容毀服保育我孤 恃失怙喪疇依以居益勤女紅以衣以食拂禮有言拒 强委禽甘言說之慨懷自誓莫或違之字孤亦成好學 期所天遠賈浮舶鯨波漂入番土歲行五移無聞及家 羣謀復趨海路雲濤震崩竟以溺計哀哉具喪採度是 勿使至我儀條還室家欣欣豈曰舊姻載敬載賔俄於

金ラリカノニ

視死如歸誠有古烈丈夫之所為者然亦有為一時忠 嗚呼節義之感人也深矣自兵革之與廿有餘年中間 是重人道泯馬嗚呼吾人見善宜紀爰修信辭埃米于 始關睢刪之贊之聖人慎諸慎諸云何風教之原茍不 伊人之良可稱孔有而此大節衆善之守易著咸恒詩 完得彼失此吁嗟維莊天實相且獲全于義無傷厥驅 以婦人女子建大節于當世者固不少觀其引義自決

次足刀軍人時

趙氏鏡網珊瑚

坌

義屬書之不一書之信乎其不我欺矣遂為擬騷辭之 教子以復先業者又何其不多得也方諸古人可謂無 翰惟恐書之或後雖歷年之久其休光遺韻焯焯在人 **憤所激要之于久未必皆然而感慨之士循且伸紙染** 德容觀夫太史王君常宗之傳與紋既許其節復許其 **吞聞風與感之士宜何如哉予雖不獲升堂拜母一** 耳目求其能如陳母之東心堅貞于三十年之久紡織 一章云解日海之南兮魚龍湫塵冥冥兮瘴烟浮緊清 上睹

金万巴尼有量

欠己日東台島 **桑高啓皆作傳予讀其事而悲之為述陳母節義詞** 陳寶生父思恭早以海賈溺死母莊氏有卓行史官王 海波矢貞心兮没齒蒹葭蒼蒼兮露為霜有子有孫兮 淑兮殊異美聲教兮逸悠彼有孀兮賢婚夫君一去兮 奉蒸嘗壽考兮百祀願言兮樂康淝泉包較 冰清兮玉潔冰玉兮消毀播芳馨兮曷有窮已桑田兮 三十秋鸞孤兮絃絕瞬青青兮鶴髮衣編素兮簪荆凛 陳母節義詞并序 趙氏鐵網珊瑚

中使船闕 以諷莊欲嫁之正詞厲色 飛和鳴雙鳳凰剛 妻善哭其夫而變國俗者也詞曰陳母節義誰可及二 首俾閨房小子咸可以歌馬庶幾乎所謂華周杞梁 乃陳從海外至子生五年能識字銀燈坐照夜堂深勸 陳亦是海鹽商遠來婿莊圖久長莊時年當二十四于 十守志今六十家本泉州身姓莊户版抄入商人籍 得子總四月幡然去作諸番客海 しが関 萬波隔五稔弗歸隣媼疑情 將馬置此呱呱兒

抱孤兒仍自憐指有此兒堪嗣續不爾從陳葬魚腹良 迴乃在九重淵莊走入房羞見天引刀自刺刀墮地哭 裝出門衣楚楚莊憂水底有蛟龍陳恃蛟龍莫子侮信 非金石當自保北斗那共黃金高夫陳耳聽心不悟趣 諫夫陳詞不已海中日日生風濤千金之軀同一毫人 父之死常泫然母告汝父之海鹽有子盡典祭祀田汝 雖殁天可移績紡教兒買書讀兒名賓生既長年知

欠己日巨人生

W.

趙氏鐵網珊瑚

芤

往贖田還祭祀妾身無愧歸黃泉實聽母言即長往未

負舶錢令繫獄汝父雖殁錢須償喚婢賣珠遣寶送泉 子更相為性命母呼寶也語近林貸汝父錢名石章章 雲行天失變化鳴烏集樹休翱翔實也奉母孝益謹母 人義莊作歌頌十子不如一女英男兒負義真何用 復母命母大喜恨不相與攜手至轉頭滄海作桑田奉 天朝史臣高與王大書特書相發揚傳寫滿紙作龜鑑 母還鄉談笑耳兒一亦來拜母莊母子三人涕淚霧浮 知海鹽先採訪果得前兄名寳一泣訴二天成俯仰歸

金分四四百百量

次定四事公 錢唐白范題 生显復為作詩以歌詠之辭詳義聚雖庸夫孺子亦莫 孝子錫類皆弟昆陳母節義天所報駟馬何獨于公門 右陳節婦義事太史氏既為文以論列之矣廬陵張 廬陵張昱 無不讀之眉目張誦莊之賢無遠近夫婦綱常自莊定 **小感慕與起恥為不義詩之為教豈不有裨於風化哉** 雕之詩今復作還有刑詩如孔聖三光不滅天地存 1 趙氏鐵網珊瑚 百

為樹上照朝日蝴蝶華問愁暮烟海波飲禽如鼎沸 怒殺人何日已妾心誓欲訴皇天願遏奔流作平地兒 招不來仰天哭深閨少婦二八年達首何曾較醜好駕 南有客值茶毒船中金珠量斗斜捐躯竟入無底淵魂 金万里五人 今長大奉母慈貞孝一門咸見推吁嗟碌碌同草木國 海水肆為潘海風驚簸揚蛟鼉此如山吞舟雄吻張泉 傳故予又託之風謡云 海水謡美陳節婦也節婦梗緊見于蜀郡王君

在亦不渝謝絕語未冷陳歸匿坊隅逆料已為鬼莊也 遲子成童烏鄰媼甘說舌濁我冰玉壺萬一所天在不 女子行性本丈夫徒初莊贅陳姓生子四月逾夫陳事 者求其備備者何其孤泉南有莊氏容色美且都質雖 史幾人名姓垂淮海秦約 海賈五載行踟蹰父母既淪没生死誠殊途幸兒脫襁 称澹身去襜襦芳年躬績紡白畫局門問待陳期皓首 人生重節義懿彼烈大夫丈夫固不少節義亦豈無二

欠己の巨いか

F

趙氏鐵網珊瑚

百

育我亦有陨軀媼罔識輕重徒以紫亂朱豈但保全節 失戴我子非智雅惟思樹陳業何暇滋它虞天或子弗 昔杏香我子纔呱呱夫邈子實幼且不生異超所天今 書的弗事何以繼遠圖媼且託陳友為彼行觊觎所天 終馬溺外域一死當與俱居喪禮甫畢遣子師明儒 扶春水方浩蕩牙檣起漚鳧陳復别莊去萬里仍長驅 相舒呼兒出拜父升堂已無姑變故雖不一且為門祚 元無殊叩户桐花落逕庭羅榛蕪驚顧下機杼悲喜交 金分四月全書

卷九

東嫁時服乃摘塵鈿珠不獨酬宿契或者伸無奉髙 奴耕田租宿質既歸復庶足充饔餔但使不失所何曾 髙義兼能數陳先內澉女有子生同吾命子謹兄事童 とこう 陳逐客流已石繁泉獄拘莊曰非己出疇能濟區區廼 孚亦嘗貸石楮計子與母符石固緩陳入陳也遲石輸 友于母慈及異子子悌覃兄孥嗟子胡能爾母氏教所 較錙銖子復拜兄嫂兄嫂俱云殂惟餘一弱息歸養推 同敞日聞者咸晞吁沉復全節並丈夫能然乎袒肉謝 とうかか 趙氏鐵網珊瑚

素絲無霑濡顧我重擬古為爾傳懿模下以立人紀 恐後牵羊走含偷前懼鼎與錢後畏銳與鉄莊止 沃焦石去築良人墓之死弗二天東節金石固筑筑縣 迢迢南海水波浪無晨暮一葦萬里杭逢彼蛟鱷怒良 以昭皇謨山陰胡龍臣 人竟漂溺浩荡隨烟霧海水無時枯妾恨何由訴誓將 雞爱惜如實路塵凝玉鏡臺肯怨芳年度林前明月 如此非求沽為子入新傳天性不受諛王君播大雅 里

金丘四月全書

如白虹好莫加馬莊今能樹立節義以照映當時如奇 堅松可強貞哉陳母節永言垂竹素河南陸仁 叢萱湛晨露母兮喜及養父也增哀慕金堅金可鎔松 光照妾見情愫兒大羽翼成豈不懷乳哺春暉照髙堂 男子者抑何異於佩兹壁哉錢唐王謙於笙鶴軒題 陳氏婦莊姓有文稱其賢若古之名婦也噫可不與之乎 夫佩乎夜光之璧者人為改容却立鬼為之走以其氣 海水操陳母莊傷其夫豹海死作

大三四年八十

趙氏鐵網珊瑚

豆

從納夫婿低頭事針指初看秋月圓再見春風起值君 憶妾年始笄粒成羞出帷嬉游僧女伴那解弄花枝自 墊弱舟無傾危豐城余詮 志獨違恨深海水兮曷其已而安得變為桑田兮民無 生兮曾莫我知欲往從之兮襁褓有兒同室同穴兮我 海水湯滴兮茫無津涯夫君一去兮杳無選期為死為 促行裝去作海南商蘭缸堆落爐親手為縫裳三霜 陳節婦行 無

遠行客北風催 被松共發廣中舶半路計音 迴含帝 大きりるといか 絲却收盤龍鏡罷照雙蛾眉自憐為君婦少小無嫌 理王琴教終身得栖託情意兩無違君心易離隔愛逐 花朝朝占鵲喜繡户亦慵開朱樓未當倚忽聞報君歸 下拆痛君千金軀竟作沈淵魄花顏洗紅脂綠鬢生白 首戴一天貞心終不移陳留阮維則 字浪語傳君死空掛對嬌兒夢越風清裏夜夜上燈 春機番禺幾月至還者去時衣笑傾金榼酒重 趙氏鎮網珊瑚 百四

易主班迎獨任之倪瓚 金万里是有量 今觀太史書貞節不愧幽魂地下看丹丘吳儁 萬里風波百折灘夫君不以别離難三年竟失刀頭望 **貞節誰如恤緯發凛然松柏歲寒姿姓名今日輝** 抗節誰稱斷臂嫠皇天空谷照貞姿何人 半世空成夢裏歡誰復為文招海賈且須教子服儒冠 次倪徵君韻 題常宗王君莊節婦傅 人得似馮丞相

欠こり同人 嗚呼五季之時忠臣節婦苟無歐陽公之文以發之則 清朝正此崇貞孝佇看烏頭表大門長平殷奎 剪紙重招海賈魂大節已曾書太史壽儀方喜祝諸孫 節婦傅益有以見操史筆之不易也張紳 其精神心術殆不能光顯明白若是今觀常宗王君陳 班史文章復見之呂禎 陳母當年事可論良人早殁一身存倚牀忍對棚兒面 趙氏 鐵網珊瑚 豆五

